

Operacion di aeropuerto paralisa pa “situacion relaciona na seguridad involucrando un avion”



Pagina 2

- **Comunidad ta pidi claridad tocante brug di Rooi Afo**

Pagina 6

- **Homber liga cu desaparicion di migrantenan rumbo pa Corsou deteni na Venezuela**

Pagina 8

- **Iran ta aumenta aresto mientras ta keda positivo tocante negociacion cu Merca**

Pagina 24

Corte di Apelacion a fiha 22 di mei pa trata caso New York



Pagina 3

Lista completo di minister y secretarionan di estado den Gabinete Jetten I



Pagina 9

Complice di Epstein, Maxwell, ta pidi clemencia di Trump prome cu testimonio



Pagina 21

Operacion di aeropuerto paralisa pa “situacion relaciona na seguridad involucrando un avion”

Ayera durante atardi, operacionnan di Aeropuerto Internacional Reina Beatrix a keda paralisa pa algun ora. Esaki relaciona cu un incidente di seguridad, cual medionan local a identifica como un menasa di bom. Pa alrededor di 4or di atardi sinembargo a reanuda operacion.

Den un comunicado di prensa alrededor di 1pm, Aruba Airport Authority a informa: “Aruba Airport Authority NV (AAA) ta confirma cu operacion di e aeropuerto a keda para temporalmente como un medida di precaucion despues di un situacion relaciona cu seguridad involucrando un avion.

“Di acuerdo cu protocolnan estableci di seguridad, e situacion ta siendo maneha pa e autoridadnan apropiada. Na e momento aki, no tin indicacion di ningun menasa inmediato pa seguridad publico, y tur accion tuma ta parti di proceduranan standard pa garantisa e seguridad di e pasaheronan, personal, y partnernan di aeropuerto.

“Acceso di e pasaheronan na e terminal a keda suspendi temporalmente mientras ta atende cu e asunto. AAA ta trahando di cerca cu tur stakeholder relevante pa duna sosten na e situacion y facilita un regreso sigur y ordena na operacion normal lo mas pronto cu ta posible.

“Aruba Airport Authority ta enfatisa cu seguridad ta keda su prioridad di mas halto y ta aprecia e cooperacion y profesionalismo di tur partido involucra. Ta bay comunica mas actualisacion mediante canalnan oficial unda cu ta



apropia.”

Mas o menos un ora despues, AAA a informa cu “como precaucion, a restringi acceso di pasahero na e terminal, y ta pidiendo pasaheronan pa keda afo na e momento aki. Pasaheronan cu ya ta paden di e terminal no ta siendo evacua.” Ademá, a informa cu como parti di procedura standard di seguridad, algun vuelo por keda pausa of desvia te cu e operacion normal reanuda.

Finalmente, pa alrededor di 4pm, AAA a confirma “cu operacion di aeropuerto ta reanudando despues di e situacion di seguridad anterior. Procesamento di pasahero a cuminsa, y operacion di vuelo ta bay bolbe normal gradualmente.” A nota cu ta bay tin cantidad “mas halto cu usual” di pasahero, y a conseha pasaheronan pa check directamente cu nan aerolinea pa informacion di vuelo actualisa.

Menasa di bom

Den su comunicacion oficial, AAA no a duna ningun detaye di kico precies tabata e “situacion di seguridad” cu a confronta y a ocasiona e interrupcion na aeropuerto.

Sinembargo, den medionan di comunicacion local a menciona cu ta trata di un ‘bom melding’ abordo di un vuelo di Jet Blue, cual a identifica como un vuelo for di Boston. Segun rumornan y informacion no oficial riba rednan social, a ricibi un bom melding na facilidadnan di aeropuerto, cu personal di seguridad di e aeropuerto lo a confirma. Esaki a ocasiona e despliegue di team di bom incluyendo unidad special K9, y personal di emergencia cu a haci inspeccion di e sitio



pa determina si e menasa tabata serio.

Un usuario, J.D. a bisa cu “e menasa di bom a ser haya riba un papel den un vuelo di Jet Blue for di Boston.” Otro turista cu tabata na Aruba na e momento ey, a confirma e informacion aki.

E informacion aki no a keda confirma pa AAA.

Inconveniencia

Manera por anticipa, e situacion a crea inconveniencia cerca hopi turista cu nan vuelo a keda atrasa of desvia. Riba rednan social, hopi informacion tabata circula indicando cu un cantidad di vuelo cu tabata caminda pa Aruba a keda desvia pa Corsou, otronan pa Puerto Rico. Otro vuelonan a keda na nan ciudad wardando pa reapertura di aeropuerto di Aruba.

Ademá di vuelonan atrasa, a cera e caminda y no tabatin acceso pa aeropuerto, loke a pone cu taxi y otro transporte a baha nan pasaheronan na un distancia y e hendenan mes ter a cana pa yega aeropuerto. Un vlogger, Ramsay Soemantha di The Soemantha BLOG, a comparti un video den cual ta muestra e vlogger ta cana den mondi purbando di yega aeropuerto durante loke el a yama e “caos” na aeropuerto. “Tur caminda di acceso ta den lockdown total despues di un menasa di bom riba e taxiway,” Soemantha a skirbi den un post riba rednan social. “Nos chauffeur a djis laga nos memey di un mondi desola, puntando den distancia y bisando nos pa ‘djis sigui cana’. Aventura of mision di sobrevivencia? Desea nos suerte, nos ta bayendo off-road pa gara e vuelo ki!”

Den e video, Soemantha a



bisa cu “semper ta leuk pa tin cosnan pa conta ora bo yega cas,” mientras e ta cana den loke ta muestra un area di mondi. “Nos ta canando den un pida mondi ‘ki, paso blijkbaar tin un bom melding na Aruba. Nan ta bisa cu nan a cera henter e caya, ay ay ay. Nos vuelo ta supposed di sali, pero nos tin cu wak con nos ta yega airport.”

Na dado momento, por mira

Soemantha ta crusa e caya principal banda di aeropuerto cu di berdad ta cera y no tin niun auto riba dje.

Mientras cu Soemantha no a duna un update si a logra drenta aeropuerto y aborda su vuelo, AAA si a confirma cu operacion a reanuda, y tabata spera cu a pesar di un atraso, tur hende lo yega nan destinacion.



Corte di Apelacion a fiha 22 di mei pa trata caso New York

Durante e regiezitting (audiencia preliminar) den apelacion di e asina yama caso “New York”, Corte di Apelacion a determina cu tratamento di e caso lo tuma luga dia 22 di mei marcando un momento importante den un proceso hudicial cu ta draai rond di acusacionnan serio di corrupcion, violacion di secreto oficial y e limite entre libertad di prensa y responsabilidad penal.

E sospechoso, periodista N.M.Q.C.d.A., no tabata presente, pero su abogado, Doris Canwood, si tabata presente pa representa su interer durante e audiencia. Tanto e sospechoso como Ministerio Publico (OM) a apela e sentencia di Corte di Prome Instancia di december 2024.

Durante e audiencia ni defensa, ni OM a presenta ningun peticion pa investigacion adicional. Rapidamente corte a determina cu e caso lo ser trata dia 22 di mei, ora e partidonan lo por presenta nan argumento y corte lo evalua e caso den su totalidad.

Caso “New York” ta un caso penal cu a genera hopi interes publico pasobra e ta involucra un agente policial y varios periodista, y e ta toca tema sensitivo manera secreto oficial, corrupcion y libertad di prensa.

Den e fase anterior di e proceso, agente policial R. Vos a ser sentencia dia 8 di december 2023 na 16 luna di

prison, di cual 8 luna tabata condicional. Corte a haya cu e tabata culpabel di malversacion, violacion di secreto-nan di trabao, abuso di su funcion y soborno ricibi di parti di miembro-nan di prensa. Ademá, corte a prohibie el di eherce su trabao di polis pa un periodo di tres aña.

Pa loke ta e cuatro periodista involucra den e caso, nan a ser acusa cu, for di periodo entre januari 2021 te cu maart 2023, nan a actua conhuntamente y intencionalmente pa viola secretonan cu nan tabata sa cu e ambtenaar, relaciona cu su funcion, tabata obliga pa mantene confidencial. Ademá, e acusacion a inclui cu nan a participa den un organisacion cu tabata consisti di un y/of mas otro persona, cu e meta di comete crimen, manera corrupcion di un ambtenaar, duna y/of tuma soborno, maluso di funcion y violacion di secreto di trabao.

Despues di e sentencia inicial den Corte di Prome Instancia, corte a yega na un conclusion mixto riba e acusacionnan. Riba e acusacion di soborno, tres di e sospechosonan a ser declara culpabel. Sinembargo, pa loke ta e acusacion di participacion den un organisacion criminal, tur cuatro periodista a ser declara liber, pasobra corte a determina cu no tabatin suficiente prueba pa confirma cu nan a comete e acto ey segun e definicion legal. Pa e acusacion di violacion di secresia oficial di un agente policial, tur cuatro periodista a ser declara cul-



pabel.

Corte a determina cu durante un periodo di mas cu dos aña, e periodista aki tabatin acceso na portofon di Cuerpo Policial di Aruba. Segun corte, e acceso aki a ser haci posibel hunto cu e agente policial menciona, pa medio di un conexion digital cu nan a crea entre un portofon y e laptop di e periodistanan individual. Debi na e hecho cu nan a coopera cu e agente policial pa logra e acceso, corte a conclui cu nan a viola secresia oficial, mescos cu e agente policial mes a viola e obligacion di confidencialidad.

Ademá, corte a determina cu den e mesun periodo, tres di e periodistanan a duna regalo y a haci promesa na e agente policial, loke corte a considera como accionnan cu a cay bao di definicion di soborno.

Den december 2024, corte a dicta sentencia pa e periodistanan involucra. Den caso di periodistanan R.P.L. y N.E.A.G., tur dos a ser condena na 240 ora di trabao comunitario y 12 luna di prison condicional, cu un periodo di prueba di tres aña. E sentencia condicional ta implica cu si nan comete un delito durante e periodo di prueba, corte por ordena cu e 12 luna di prison mester ser ehecuta.

Den caso di periodista B.L.R.K., corte a impone un castigo di 150 ora di trabao comunitario y tres luna di prison condicional, tambe cu un periodo di prueba di tres aña. Pa e caso aki, corte a tuma na cuenta cu e periodista ta residente na Hulanda. Segun e abogado di e sospechoso, tin un areglo cu Reclassering na Hulanda cu den caso cu e castigo ser converti na un castigo incondicional, B.L.R.K. por tuma contacto cu e instancia na Hulanda y lo cay bao di nan guia.

E sentencia mas pisa a ser impone riba sospechoso N.M.Q.C.d.A. Corte a considera cu e tabata involucra den un caso similar anteriormente, y p'esey el a ser condena na 18 luna di prison, di cual 12 luna tabata condicional. Esaki ta nifica cu e mester cumpli minimo seis luna den prison.

Corte a señala cu e hecho a tuma luga solamente dos luna prome cu su periodo di prueba di un caso anterior a caba, loke a pisa den e determinacion di e castigo.

Un di e puntonan principal cu defensa a presenta durante e proceso tabata cu periodistanan tin libertad di recopila noticia, y cu esaki ta inclui informacion cu nan por haya via fuente manera e portofon di polis. Den su sentencia, hues a reconoce cu e argumento aki ta toca un derecho importante y a indica cu libertad di prensa mester ser proteha y respeta den un sociedad democratico.

Sinembargo, hues a subraya cu e derecho aki no ta sin limite. Segun e motivacion di corte, libertad di prensa por ser limita door di derecho penal y door di normanan di cuida debido. Corte a enfatisa cu periodistanan no mag comete hechonan castigabel pa obtene informacion. Den e caso aki, corte a determina cu e periodista involucra a comete acto castigabel pa logra acceso na informacion confidencial, y esey a forma e base pa e condena.

Cu e regiezitting di apelacion completa y fecha di 22 di mei ya fiha, caso New York lo sigui pa e proximo fase, unda Corte di Apelacion lo trata e asunto den detaye y lo evalua e apelacionnan presenta tanto di parti di defensa como di parti di Ministerio Publico.



Hof ta pospone decision tocante peticion di libertad di Cornelio Antonio Hermanus

Cornelio Antonio Hermanus ta e unico persona cu ta sintando un castigo di bida largo den KIA. El a ricibi e sentencia aki na 2006 despues di a comete su di tres asesinato, di cual e ultimo a tuma luga na Aruba. Cumpliando casi 20 aña cera Hermanus a presenta un peticion pa libertad, conforme cu ley di Aruba cu ta permiti un condenado di bida largo pa pidi revision di su situacion legal despues di sinta minimo 20 aña detencion.

E peticion a ser trata ayera pa Hof, unda e proposito principal di e audiencia tabata pa evalua si Hermanus mester keda mas tempo cera of si tin posibilidad pa e ser pone den libertad bao condicionnan estrictamente defini. Durante e audiencia, Hof a enfatisa cu e proceso ta uno delicado y cu e decision no ta algo cu por ser tuma ligeramente, teniendo na cuenta e gravedad di e delito, e impacto riba e famia di e victima y e seguridad di sociedad.

Prome cu e asesinato cometi na Aruba, Hermanus ya tabata condena pa dos asesinato cu el a comete anteriormente na Hulanda. Pa e prome asesinato el a haya castigo di cuater aña di prison, mientras cu pa e di dos el a ricibi un sentencia di seis aña. E tercer asesinato a sigui un trayecto legal mas severo, culminando den un condena di bida largo.

Durante e tratamento di e peticion, Hof a ricibi y analisa diferente rapport psicologico y psiquiatrico, como tambe evaluacion y consehonan di Centraal College Reclasse-ring. Ademá, Hof a ricibi tambe un carta di parti di e famia di e victima, cu tabata expresa nan punto di bista riba e posibilidad di libertad di e condenado. Hof a remarca cu tur e documentonan ricibi ta parti di un proceso mas amplio di evaluacion cu a cuminsa na 2024, especificamente enfoca riba e preparacion pa tratamento y e analisis di e peticion di Hermanus.

E rapportnan a enfoca riba varios aspecto importante, entre nan e posibilidad di reintegracion di Hermanus den sociedad. Diferente instancia a evalua su comportamiento, su actitud, su desaroyo personal durante su detencion y e riesgo potencial cu e por representa si ser poni den libertad. Hof a splica cu pais Aruba



tin un responsabilidad legal y humano pa mira e posibilidadnan cu un condenado por tin pa desaroyo personal, reintegracion y pa eventualmente por biba un bida funcional den sociedad. Sinembargo, Hof tambe a subraya cu e proceso no ta pasivo. Segun e hues, Hermanus no por sinta man cruza y spera cu e decision ta cay for di shelo. Un parti substancial di e proceso ta depende di su propio cooperacion, esfuerso y disposicion pa traha riba su mes.

Hof a indica cu si e peticion actual no ser aproba, Hermanus tin derecho pa presenta un peticion nobo despues di cinco aña. Esaki ta conforme e marco legal vigente, cu ta establece oportunidadnan pa revision.

Procurador General (PG) di Ministerio Publico a expresa claramente cu no ta momento pa evalua e peticion di libertad di e condenado. Segun PG, un proceso manera esaki mester ser trata cu tempo, paso pa paso, y riba base di informacion suficiente y actualisa. PG a enfatisa cu condicionnan pa libertad mester ta solido prome cu e condenado por sali, y segun su evaluacion, no a yega na e punto ey ainda.

Un aspecto cu PG a subraya como fundamental ta e tema di vivienda. Aunke vivienda ta un factor crucial pa reintegracion, PG a indica cu ainda no a haci tur e stapnan necesario pa determina si e lugar unda Hermanus potencialmente lo biba ta adecuado, si e programa di supervision ta cla, y si e barrio unda e vivienda ta

situa lo acepta su presencia. Segun PG, e claridad riba e aspectonan aki ta indispensable prome cu libertad por ser considera.

Pa e motibonan ey, PG a pidi oficialmente pa pospone e tratamento y evaluacion di e peticion te na mei, pa por haya mas informacion relevante. Abogado di e condenado, Desiree Croes, a confirma cu el a papia cu su cliente riba e situacion. Segun e defensa, Hermanus ta compronde cu aunke personalmente ta sinti cu e lo por sali y ta prepara pa biba na cas, e proceso ta delicado y mester ta sigur cu tur condicionnan ta bon defini y solido prome cu un decision por ser tuma.

Durante e audiencia, Hof a enfatisa e importancia pa tur instancianan cu tin responsabilidad den guia y yuda e condenado ta realmente trahando hunto. Ademá, el a subraya cu mester tin un programa structura of stapnan claramente delinea pa e lunanan binidero, cu ta indica e puntonan y aspectonan cu Hermanus mester traha riba dje.

PG a remarca cu instancianan relevante ta colabora y cu lo traha riba e puntonan concreto cu e condenado mester aborda. Na mesun momento Hof a enfatisa cu ta importante pa Hermanus ta consciente di su propio situacion, pa mira su mes honestamente y pa reconoce e areanan cu e mester sigui traha riba dje pa su propio bienestar y pa seguridad di sociedad.

Segun un di e rapportnan psiquiatrico, un preocupacion

importante ta cu e condenado no ta muestra suficiente sentido di culpa pa loke el a haci y cu e no ta asumi responsabilidad completo pa su actonan. Hof a subraya cu esaki ta un aspecto crucial cu mester ser trata, pasobra sin e reconocimiento di culpa y sin cu e condenado aumi responsabilidad, ta dificil pa e funciona adecuadamente den sociedad.

Un otro punto di preocupacion di Hof ta e capacidad di Hermanus pa maneha conflicto si acaso e ser pone den libertad. Hof a indica cu e mester siña y mester ricibi training con pa maneha conflicto di forma pacifico, pasobra e meta principal ta pa evita cu situacionnan violento di pasado no ser ripiti. Hof a recorda cu ambiente den KIA ta fundamentalmente diferente di sociedad, pasobra den prison tin supervision constante, algo cu no ta existi mescos den bida liber.

PG a informa cu nan ta bay cuminda cu trainingnan specifico den KIA pa yuda y guia Hermanus den e aspecto di maneho di conflicto.

Durante e audiencia, Hermanus mes a haya oportunidad pa papia. El a declara cu e ta reconoce cu e mester ayudo di berdad y cu tin hopi cos cu el mester siña atrobe, especialmente considerando cu el a pasa hopi aña detencion. El a bisa cu nunca e no a haya conflicto durante su tempo den KIA y cu su deseo pa sali liber tambe ta liga cu su estado di salud, cu segun el a splica ta deteriora. Hermanus a pidi pordon publicamente na famia di e

victima y na corte, y a confirma cu e a manda carta tambe pidiendo pordon na e famia di e victima.

Tocante e observacion den e rapport cu e no ta tuma responsabilidad completo pa su hecho, Hermanus a expresa cu e tin dolor pa loke a pasa y cu e situacion no mester a pasa. Sinembargo, Hof a mantene su preocupacion riba e riesgo potencial cu e condenado por representa den sociedad, un ambiente cu ta carece e nivel di control y supervision cu tin den prison.

Den e rapportnan tambe a ser menciona cu Hermanus a nenga anteriormente di participa den tratamiento of terapia cu psicologo Na esaki, un psicologo di KIA presente durante e audiencia a splica cu, e tempo ey, Hermanus a pensa cu e lo keda deteni pa bida, y p'esey e no tabata mira utilidad di participa den tratamiento. Sinembargo, awor cu posibilidad di libertad ta riba mesa, su actitud a cambia y tin un motivacion mas grandi pa participa activamente.

Segun e psicologo, ya tin progreso pa a ser logra y tin potencial pa mas desaroyo den futuro. El a agrega cu participacion di Hermanus den e programa por resulta beneficioso pa su proceso di reintegracion.

Na final di e audiencia, Hof a conclui cu e tratamento y evaluacion formal di e peticion no lo tuma lugar ainda, pasobra mester mas informacion. Hof a enfatisa cu ta di gran importancia pa Hermanus continua cu e programa, plan y trainingnan, y a enfatisa cu su cooperacion ta esencial pa por yega na un evaluacion exitoso y completo.

E caso a ser posponi te cu 31 di augustus. Na mei lo tin un evaluacion intermediario, unda PG lo tene Hof informa riba con e evaluacion ta bay, kico ta e resultado di e programa y trainingnan cu e condenado ta sigui na e momento ey. Hof ta spera di ricibi rapportnan actualisa di tur esnan cu ta yuda y guia Hermanus, asina tambe informacion riba e plannan futuro.

Hof a determina cu tur e rapportnan mester ser entrega no mas tarda cu dos siman prome cu 31 di augustus, pa por permiti un evaluacion completo y fundamenta di e situacion di Cornelio Antonio Hermanus.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)

Leo Maduro

Dilma Arends

Raisa Montilla

Oriana Geerman

Ehecutivo di Benta

Sulaika Croes
sulaika.croes@cspnv.com

Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Aruba ta demasiado yen... Y gobierno no ta actua...

Tur siman tin varios asunto cu ta yama atencion publico y ta existi accion oficial. Mas tanto nada ta sucede. Y tur e incidentenan aki ta muestra riba un hecho grandi: Aruba ta sobrepobla y den tur sentido. Nos edicion di ayera, 9 i februari, ta muestra por ehemplo riba e problema di inaccion den maneho di naturaleza, den e caso specifico di e problema di cabrito. Un problema cronico, pero de paso mester bisa cu e ta solamente un di e cantidad di problema di maneho di naturaleza, cu tin como denominacion comun: cu accion gubernamental ta penosamente ausente...

Ademas, den materia unda accion benevolente civico no por haci e diferencia, mester di e man decisivo di gobierno, cu mester actua. Esey ta e caso tambe den e cuestion di cabrito aki. Pa pone e asunto bon cla: ningun ciudadano tin derecho di laga su animalnan biba di tereno di otro; esey ta conta tambe pa tereno propiedad di Pais Aruba, cu ta gran parti di nos naturaleza. No por referi na ningun tradicion pasobra desde antaño ta existi ley cu ta prohibi y sanciona laga cabrito cana los y causa daño na propiedad di otro. Desde antaño tin den nos ley cu ta regula actuacion policial (Algemene Politieverordening Aruba) regla con pa atende e problema di cabrito. Polis o un ciudadano por gara e cabritonan y hiba nan na e lugar cu pa ley ta existi ainda, pero cu gobierno mes aparentemente a aboli. E ley menciona (articulo 67) ta papia di e 'schutstal' gubernamental unda por hiba e cabritonan, warda nan te dia e doño aparece. E ora e mester paga tur gasto, cuminda y otro cuida, y e por haya su animalnan debolbi. Naturalmente e mester paga e multa envolvi tambe. Si nos no ta quiboca, mantene un 'shutstal' lo mester ta tarea cu departamento di Santa Rosa lo mester ehecuta; pregunta ta si nan ta na altura di esaki. En todo caso, si nos kier papia di 'herencia cultural', e ley aki sigur ta parti di esey. Esun cu ta viola e ley no por existi un cierto patrimonio cultural ora ta trata di 'tradicion' cu a surgi hustamente pasobra gobierno(nan) ta duna prioridad na voto cu ta aparentemente mara na propiedad di cabrito. E mala custumber aki di dispensa actuacion di hende aunke ta trata di asunto contra ley, a plama pa otro area di nos comunidad, unda awe nos mester tene cuenta cu voto di auto cu stuur na banda drechi, di piscador cu harpun, pelea di gai, etc. En todo caso, nos por yega na e conclusion cu e actuacion 'flexible' aki di nos gobiernonan mes ta yega na remarca pa gana premio mayor pa 'herencia cultural peculiar'.

Pero pa pone e asunto aki bon cla: na otro paisnan desde siglos atras ya a tuma accion contra cabrito cu ta cana los, pasobra nan ta destrui naturaleza. Y na Aruba ta bin algo acerca cu ningun hende kier bisa y otro no kier tende: no ta posible cria cabrito cera, pasobra e tipo di clima y vegetacion cu nos tin no ta permiti un nutricion suficiente. Y importa cuminda pa cria cabrito, y otro animal grandi, no ta un 'business model' viable. Ta pesey tur doño di cabrito ta laga nan come riba tereno di otro, pasobra esey ta e unico 'business model' cu nan conoce. Conclusion: no tin lugar na Aruba mas pa cabrito cana los..

Otro caso unda falta di accion aparentemente ta competi cu ineptitud gubernamental ta e maneho di nos playanan. Nos leynan ta duna nos tur claridad necesario pa maneha e logico confrontacion cu bo ta haya, pasobra Aruba a bira chikito pa tanto hende. Ta parce cu sector hotelero y nos gobiernonan no kier comprende e asunto aki, pues supuestamente mester sinta warda te dia cu cos bay malo y nos cuminza haya menos bishitante, pasobra esey lo comprende pasobra e ta toca nan cartera... Awor, nos por comprende cu en principio tur empresa kier gana placa, esey ta logico tambe pasobra si no, nan ta bay bancarota. Pero, ta gobierno ta esun cu ta impone limite, hustamente pa duna proteccion na tur empresa por igual. Tarea number uno den esey ta mantene un cuadro di regla cu ta permiti actividad economico mas liber posible, pero cu tambe ta limita accion empresarial ora nan ta cruza e norma estableci pa ley. Pa nos ta concreto aki: nos ta mira mas y mas señal di mal uso di cierto empresa hotelero y otro negoshi di servicio na turista, cu ta mishi cu derecho di otro persona, cu por ta un local o un otro turista cu no ta huesped di un cierto hotel, por ehemplo. E problema fundamental simplemente ta cu nos a sobrepasa e limite razonable di 'turismo di masa'. Nos sa cu nos autoridadnan di turismo no gusta tende esaki, pero ora nos ta bayendo pa 1,5 miyon turista 'stayover' pa aña ta masha bunita papia di turista 'high-end' pero nos tur sa cu eseynan ta prefera bay otro isla den Caribe, cu tin nan beach priva, cu di berdad tin un clientela - limita - cu por yama 'high-end'. Aruba nunca tabatin e modelo ey y no lo hay'e tampoco, a menos cu cambia regla legal y cuminza prohibi publico en general yega na pone pia riba tal tereno... Nos no ta kere cu lo yega asina leu, pero loke ta keda urgente ta cu nos gobernantenan mester haci loke nan so por y mester: actua, cu ley den man!

Parlamentario Xiomara Maduro cu pregunta oficial na Minister di Infraestructura: Comunidad ta pidi claridad tocante e brug di Rooi Afo cu ta cumpli un año caba cera

Dia 11 di februari 2026 ta cumpli exactamente un año cu e brug di Rooi Afo ta cera pa trafico. Desde 11 februari 2025, e caminda riba e dam di Rooi Afo ta cera, y te cu awe, e bisiña y usarionan no a ricibi ningun informacion ki dia e trabaonan di reparacion lo cuminsa y ki dia e brug lo habri back.

E situacion aki ta causa hopi frustracion y molester pa e residentenan di Rooi Afo, ya cu e ciere prolonga di e brug, ta afecta e accesibilidad, seguridad den trafico, movilidad diario, y tambe actividad economico den e zona.

Pa e motibo aki, Parlamentario Xiomara Maduro (MEP) a

haci algun pregunta oficial na Minister di Infraestructura, Rene Herde (AVP) cu e proposito di haya claridad y un plan concreto pa informa e bisiñanan y comunidad debidamente.

Den e preguntanan oficial, a pidi ministerio claridad riba e siguiente puntonan:

Ki tempo Gobierno ta plania pa drecha e brug/dam di Rooi Afo?

Ki termino of fecha e ministerio por duna pa habrimiento di e caminda pa trafico normal?

Ki trabounan specifico lo ser haci pa drecha e infraestructura (manera reforza e estructura, reparacion di fundeshi, mehoracion di dreñahe, asfalt, leuning, etc)?

Pakico e proceso di reparacion a tuma tanto tempo, considerando cu e ta un conexon importante pa e bario? Ki medida temporal Gobierno a tuma of lo tuma pa disminui e incomodidad y riesgo pa residente y trafico mientras e brug ta cera?

Parlamentario Maduro ta spera cu Minister Herde por contesta pronto y presenta un plan di accion concreto cu un timeline realistico, pa asina e bario di Rooi Afo por sa unda nan ta para y ki nan por spera den e proximo periodo.

“Un año cu un ruta importante ta cera, sin un plan visibel y sin comunicacion, ta pone e bario den un posicion dificil,” Parlamentario Xio-



mara Maduro ta expresa.

E yamada di e bario ta simpel: claridad, accion, y un solu-

cion pa e problema cu ta dura hopi tempo caba.

Trabao di renobacion di pier ex-Brisas del Mar na Savaneta a cuminsa

Despues cu na september 2025, Minister di Finanzas, Asunto Economico y Sector Primario, Geoffrey Wever, a firma e Uitvoeringsovereenkomst cu e compania cu a gana e destaho pa renobacion y mantencion di e pier di ex-Brisas del Mar na Savaneta, dialuna e trabaonan a cuminsa oficialmente cu e acto di groundbreaking pa inicia e ehecucion di e proyecto.

E pier di ex-Brisas del Mar ta un infraestructura hopi importante pa comunidad di Savaneta y ta wordo uza intensamente pa diferente proposito, manera piscamen-



to, landamento, pa bay y regresa for rif cu boto, y tambe pa actividadnan di diferente fundacionnan y gruponan comunitario. Pa motibo di e trabaonan di renobacion, e

pier lo ta temporalmente ‘out of service’ pa algun siman. Minister Wever lo informa oportunamente ora cu e pier lo habri bek pa uso publico. Mantencion y renobacion di

piernan rond di Aruba ta forma parti di e prioridadnan di Gobierno pa fortifica y desaroya e sector di pesca, segun un comunicado di gobierno. Pa duna contenido concreto na e vision y maneho di gobierno pa e sector di pesca, manera palabra den e Programa di Gobernacion AVP-FUTURO 2025-2028, minister Wever a percura pa aloca un cantidad di Afl. 500.000 pa renobacion di piernan pa nos piscadornan. E pier di ex-Brisas del Mar na Savaneta ta e prome proyecto den e trayectoria aki, y pronto lo sigui cu e pier den Colony na Rodgers Beach.

Den cuadro di e renobacion, e pier lo haya palo y trapi completamente nobo, diseña pa mehora su durabilidad, seguridad y uso practico. E trabaonan ta ser ehecuta door di un contratista cu amplio experiencia, cu a realiza renobacion y mantencion di diferente piernan na Aruba pa



basta año.

Infraestructura basico y adecuada ta esencial pa crecemento y desaroyo sostenibel di e sector di pesca. E compromisdi Gabinete AVP-FUTURO ta pa facilita nos piscadornan y e comunidad en general cu e infraestructura necesario pa por continua usa e piernan aki, sea pa eherce nan ofishi of pa disfruta di nan tempo liber na lama.

“Mi ta contento di mira cu awe e vision cu nos tin pa e sector di pesca ta bira realidad. Nos ta cuminsa cu un pier, y pronto nos lo sigui cu renobacion di e siguiente, te ora cu nos logra renoba tur. Pronto e pier di ex-Brisas del Mar lo ta completamente renoba y cla pa uso di nos piscadornan y di tur habitante di Savaneta,” minister Wever a expresa.

**WE ARE
HIRING
Security Guards**

- Good team player
- Attention to details
- Ability to follow instructions
- Flexibility
- Provide excellent customer service
- Good communication
- Responsible, proactive & reliable
- English & Papiamentu is required

- Competitive Salary
- Dental & Vision Insurance
- Attendance Incentive
- Wellness Program
- Recognition Program
- Vacation Saving Program

Please submit your resume to
humanresources@paradisebeach.aw
or apply in person by The Front Desk

✉ humanresources@paradisebeach.aw

📍 J.E. Irausquin Boulevard 64 📞 +297 525 4093

Entrenamiento di cerebro ta reduci riesgo di demencia, segun estudio



(AFP)—Un ehercicio simple pa entrena bo cerebro por reduci riesgo di desaroya demencia cu 25%, segun un estudio a bisa dialuna, pero cu investigadornan externo expresando cautela den con ta interpreta e resultadonan.

Tin un cantidad grandi di weganan y apps di ehercicio cerebral cu ta bisa cu e ta combati retraso cognitivo, aunke te awor tabatin tiki investigacion di calidad halto cu ta prueba nan efectividad.

E estudio nobo ta un prueba controla—considerando e standard halto pa investigacion medico—cu a cuminsa tuma participante fin di añanan 1990.

Mas cu 2.800 hende di 65 aña bay ariba a ser arbitrariamente asigna un di tres diferencia tipo di entrenamiento cerebral—velocidad, memoria of razonabilidad—of tabata parti di un grupo di control.

Prome, e participantenan a haci sesionnan di un ora dos biaha pa siman pa cinco siman largo. Un y tres aña despues, nan a haci cuatro sesion booster. Den total, nan a pasa menos cu 24 ora di en-

trenamento.

Durante chekeo te cu cinco, 10 y mas recien 20 aña, e entrenamiento di velocidad tabata semper “desproporcionalmente beneficioso,” segun co-autor di estudio Marilyn Albert di John Hopkins University na Merca a conta AFP.

Despues di dos decada, registronan di Medicare a muestra cu e personanan cu a haci e entrenamiento di velocidad y sesionnan di booster tabatin 25% menos riesgo di haya demencia, segun e estudio ta bisa.

E otro dos tipo di entrenamiento no a haci un gran diferencia estadisticamente. “Pa prome biaha, esaki ta un estudio di standard halto cu a duna nos un idea di kico por haci pa reduci riesgo di desaroya demencia,” Albert a bisa.

Sinemargo, Rachel Richardson, un investigador na Cochrane Collaboration cu no ta involvi den e estudio, a adverti cu “mientras e ta estadisticamente significante, e resultado no ta asina impresionante,” como un reduccion di 25%.

Esaki ta parcialmente debi na e margennan di eror “variando for di un reduccion di 41% a un di apenas 5%,” el a conta Science Media Centre. El a agrega cu e estudio a exclui personanan cu condicionnan manera mal vision y odio, cual ta nifica cu e no ta completamente representativo.

Baptiste Leurent, un experto den estadistica medico na University College London, a bisa cu e estudio tabatin “limitacionnan importante.”

“Aunke un analysis di subgrupo a produci un resultado significante, e unico descubrimiento aki no ta considera en general como evidencia fuerte pa demostra e efectividad di e intervencion,” el a bisa. “Mester conduci mas

investigacion pa determina si entrenamiento cognitivo por reduci e riesgo di demencia.”

Conectividad den cerebro

E ehercicionan di velocidad ta involvi tareanan unda participantenan ta click riba auto y borchinan di trafico cu ta aparece den diferente area riba un pantaya di computer. Albert a bisa cu investigadornan no tabata sa pakico e ehercicio aki a aparece mas efectivo.


“Nos ta asumi cu e entrenamiento aki a afecta algo relaciona cu conectividad den cerebro,” el a bisa. Descubriendo e mecanismo exacto pakico entrenamiento di velocidad a traha por yuda investigadornan desaroya un ehercicio nobo y mas efectivo

den futuro, Albert a bisa.

E resultadonan ta aplica solamente na e ehercicio specifico aki y no por indica nada significativo tocante otro weganan di cerebro, el a agrega.

Pero e descubrimientonan tabata “extraordinariamente importante,” Albert a enfatisa, ntoando cu pa reduci demencia entre 25% di e poblacion Mericano por spaar 100 biyon dollar den cuidio medico.

Demencia ta afecta 57 miyon hende y ta e di siete causa di morto globalmente, segun e Organizacion Mundial di Salud (WHO). E estudio a ser publica den e journal Alzheimer’s and Dementia: Translational Research & Clinical Research.



RECARGA OF CUMPLRA CU @pay.aw

HUNGA AWO!

www.lottoaruba.com

Autoridadnan Venezolano ta aresta homber liga cu desaparicion di migrantenan rumbo pa Corsou

(Curacaochronicle) - **Autoridadnan Venezolano a aresta un homber di 60 años den relacion cu un caso di trafico humano y asociacion criminal, liga cu e desaparicion di decenas di migrantenan cu a purba di yega Corsou cu boto na año 2019. E aresto a ser realiza pa e Grupo Anti-extorsion y Antisecuestro (GAES 13 Falcon), riba base di un orden hudicial emiti pa e Corte Unico di Hurgamento, presidi pa hues Diana Para. E desaroyo a ser reporta pa Noti-Falcon.**

Segun e rapport, e sospechoso a ser deteni riba dia 7 di februari riba Calle 3 den sector Colombia Nort di La Vela, den municipio Colina di estado Falcon na Venezuela. Posteriormente nan a transferie pa e cuartel general di GAES na Tucacas, municipio Laurencio Silva, unda e proceso hudicial di e caso ta ser maneha.

E aresto ta liga cu e investigacion di basta tempo riba e desaparicion di 33 persona cu a sali via boto for di Punta Agüide, den municipio Piritu, na 2019. E grupo tabata

purbando di drenta Corsou den manera iregular ora e boto a desaparece na lama.

Autoridadnan ta bisa cu e boto a sali cu 34 persona abordo. Un di e pasaheronan, identifica como Elio Ramones di 45 años, a ser haya morto despues riba e costa di Corsou. E destino di e otro pasaheronan nunca a ser aclara.

Desde e tempo ey, famianan di e desaparecidonan a pidi pa husticia y transparencia repetidamente, haciendo yamado riba autoridadnan pa



determina kico a pasa cu nan parientenan y pa esnan cu tin culpa tuma responsabilidad.

E caso ta keda un di e tragedianan di migracion mas doloroso y no resolvi liga cu cru-

samento iregular pa Corsou, resaltando e riesgonan continuo cu ta acompaña rednan di trafico humano cu ta opera den e region.

Gobierno Hulandes ta detaya relacion di Reino riba cooperacion di energia y infraestructura

(Curacaochronicle) - **Gobierno Hulandes a aclara su posicion riba posibel cooperacion cu Corsou den e area di logistica di energia y infraestructura strategico, den medio di speculation riba e rol cambiante di e isla den fluho regional di energia.**

Den contestanan riba pregunta parlamentario, Secretario di Estado Eddie van Marum a reitera cu decisionnan economico structural ta keda den competencia autonomo di Corsou. Sinembargo, gobierno Hulandes a sostene iniciativanan pa for-



talece e infraestructura di energia riba e isla di manera cu ta alinea cu interesnan mas amplio di Reino.

Iniciativanan reciente menciona den e respuesta ta inclui sosten a traves di schem-

anan manera e mecanismo di subsidio SDE++, cu a yuda financia mehoracion y expansionnan di e sistema di energia, incluyendo actualisacion di red y almacenamiento di bateria. E financiamiento aki

ta enfoca riba haci suministro di energia di Corsou mas confiabel y flexibel, aunke e no ta liga especificamente cu desaroyo di un centro di transbordo pa combustibel fossil.

E Secretario di Estado tambe a referi na medidanan manera habri e regulacion BMKB pa negoshinan di Corsou, mehorando acceso na financiamiento pa empresa chikito y mediano y fortaleciendo desaroyo economico den un sentido mas amplio. Aunke ta demasiado tempran pa establece sinergianan structural entre wafnan Hu-

landes y di Corsou, rednan logistico of institucionnan di investigacion liga cu energia, Van Marum a bisa cu gobierno Hulandes ta dispuesto pa sigui dialogo riba con Reino por colabora den futuro pa un yega na un resolucion economico y strategicamente sostenibel.

E respuesta tambe a indica cu cualkier cooperacion mester respeta autonomia di Corsou y tuma na cuenta implicacionnan legal, regulatorio, ambiental y di seguridad, tanto den marco di Reino como den marco internacional.

Gobierno nobo di Hulanda ta enfrenta un tarea masivo di conservacion di naturalesa

(NLTimes) - **Gabinete Jetten I ta enfrentando un reto enorme si e kier cumpli cu e acuerdonan di e Pacto di Naturalesa, manera D66, CDA y VVD a priminti den nan acuerdo di coalicion. Gobierno nobo lo mester crea area di naturalesa cu ta seis biaha e tamaño di Parke Nacional De Hoge Veluwe dentro di dos años, segun NU.nl ta reporta.**

E Pacto di Naturalesa, implementa mas cu dies años pasa, ta stipula cu gobierno lo fortalece naturalesa mediante expansion y conexon di su reservanan natural. Esaki ta hacie mas facil pa especienan move di un area pa otro, duna poblacionnan mas espacio pa

crece y haci nan mas resistente contra ambiente seco y malesanan.

Sinembargo, gobierno den añanan reciente a parce di a lubida riba e ambicion aki, y e fortalecimiento di naturalesa no a progresa hopi desde 2016, segun e medio. Como consecuencia, e gabinete aki lo mester agrega otro 30.000 hectar di naturalesa pa 2027, ora e acuerdonan di e Pacto di Naturalesa vence.

Ministerio di Agricultura, Naturalesa y Calidad di Cuminda a bisa NU.nl cu e expansion di naturalesa a keda para den ultimo añanan, parcialmente causa pa inseguridad di planificacion den arecanan rural. Segun e medio,



e ministerio no a menciona cu e mes ta parcialmente responsable pa e inseguridad aki, door di no presenta un solucion legalmente sostenibel pa e crisis di nitrogeno. Alcansa e meta di e Pacto di Naturalesa tambe no ta marca e fin di e trabao di con-

servacion di naturalesa den Hulanda. Año pasa, e Oficina Hulandes di Evaluacion Ambiental (PBL) a adverti cu entre 100.000 y 150.000 hectar di tereno agricola lo mester converti den reservanan natural pa 2050 pa cumpli cu e metanan Europeo di conser-

vacion di naturalesa. Esaki lo rekeri decisionnan drastico. Y si gobierno no tuma nan, PBL ta anticipa mas demanda legal y crisisnan manera e crisis di nitrogeno.

Lista completo di minister y secretarionan di estado den Gabinete Jetten I



(NLTimes) - **Casi tur nombramento di minister y secretario di estado pa Gabinete Jetten I a keda confirma. Solamente dos posicion ta keda sin resolve: e rolnan di secretario di estado di D66 pa Husticia y pa Finanzas. Gobierno di coalicion, forma pa D66, VVD, y CDA, lo consisti di 28 miembro en total, incluyendo 18 minister y 10 secretario di estado. Ta spera cu e gabinete lo huramenta pa Su Mahestad Rey Willem-Alexander dia 23 di februari.**

Rob Jetten (D66) lo fungi como prome minister y minister di Asuntonan General. Na ministerio di Relacionnan Exterior, Tom Berendsen (CDA) a ser nombra como minister di Relacionnan Exterior, mientras cu Sjoerd Sjoerdsma (D66) lo asumi e funcion di minister di Comercio Exterior y Cooperacion pa Desaroyo. Husticia y Seguridad lo ser supervisa pa David van Weel (VVD) como minister, cu un nominado di D66 ainda pendiente

pa e posicion di secretario di estado responsabel pa proteccion huridico y e sistema di prison. Bart van den Brink (CDA) a ser nombra vice prome minister y minister di Asilo y Migracion.

Pieter Heerma (CDA) lo dirigi ministerio di Interior y Relacionnan den Reino, sostiene pa Eric van der Burg (VVD) como secretario di estado. Elanor Boekholt-O'Sullivan (D66) a ser nombra minister di Vivienda y Planificacion Espacial. Riba tereno di Enseñansa, Cultura, y Ciencia, Rianne Letschert (D66) lo fungi como minister, cu Judith Tielen (VVD) como secretario di estado.

Eelco Heinen (VVD) a keda nombra minister di Finanzas, mientras cu e nominado di D66 pa secretario di estado di Finanzas ta wardando confirmacion ainda. Sandra Palmén, sirbiendo como independiente, lo bira secretario di estado pa Recuperacion di Impuesto. Defensa lo ser dirigi pa vice prome minister Dilan Yeşilgöz (VVD), cu

Derk Boswijk (CDA) como secretario di estado.

Na ministerio di Infraestructura y Maneho di Awa, Vincent Karremans (VVD) lo fungi como minister, sostiene pa Annet Bertram (CDA) como secretario di estado. Asuntonan Economico y Clima lo ta lidera pa Heleen Herbert (CDA), mientras cu Stientje van Veldhoven (D66) a keda nombra como minister di Clima y Crecemento Berde. Willemijn Aerdts (D66) lo fungi como secretario di estado pa Economia y Soberania Digital, y Jo-Annes de Bat (CDA) lo fungi como secretario di estado pa Clima y Crecemento Berde.

Jaimi van Essen (D66) a ser nombra como minister di Agricultura, Pesca, Seguridad Alimentario, y Naturalesa, cu Silvio Erkens (VVD) nombra

como secretario di estado den e mesun cartera. Asuntonan Social y Empleo lo ser dirigi pa Hans Vijlbrief (D66), mientras cu Thierry Aartsen (VVD) lo fungi como minister di Trabou y Participacion. Den e area di Salubridad, Bienestar, y Deporte, Sophie Hermans (VVD) a ser nombra como minister, hunto cu Mirjam Sterk (CDA), kende lo supervisa Cuido di Termino Largo, Hubentud, y Deporte.

E 18 puestonan ministerial ta dividi entre e partidonan di coalicion, cu D66 ocupando siete posicion, VVD seis, y CDA cinco. Mayoria di e nombramentonan di secretario di estado a keda finalisa, cu excepcion di e dos funcionnan pendiente di D66 den Husticia y Finanzas.



Jolley Holding Aruba
V.B.A.

JOB OPPORTUNITY

Assistant Financial Controller

Jolley Holding consists of 25 operating companies with diverse activities such as car dealers, car rental and leasing, retailing of souvenirs, gifts, books, leisure clothing etc, wholesale of consumer goods and pharmaceuticals, industrial laundry, real estate. The Group is active in Aruba, Bonaire, Curaçao and Antigua.

We are looking for a driven and detail-oriented Assistant Financial Controller to support the Financial Controller in managing day-to-day finance operations, financial reporting, and internal controls. This role is ideal for an ambitious finance professional who wants to grow into a senior controlling or managerial finance position.

Key Responsibilities:

- Support monthly, quarterly, and annual financial reporting cycles.
- Assist in preparing budgets, forecasts, and variance analyses.
- Perform GL reconciliations and help maintain accurate accounting records.
- Support AP/AR processes, fixed assets administration, and payroll controls.
- Monitor internal controls and contribute to process improvements.
- Prepare management dashboards and financial analysis reports.
- Provide support during internal and external audits.

Profile & Qualifications:

- SPD or MBO in Accounting, Finance, Business Administration, or related field.
- 2-5 years of relevant finance or accounting experience.
- Strong knowledge of accounting principles (IFRS/GAAP exposure is a plus).
- Advanced Excel skills; experience with ERP systems is an advantage.
- Analytical mindset with strong numerical and problem-solving skills.
- Excellent attention to detail and ability to work with deadlines.
- Strong communication skills; team player with a proactive attitude.

What We Offer:

- Opportunity to develop toward a Controller / Senior Controller role.
- A collaborative, ambitious, and growing finance environment.
- Professional development and training support.
- Competitive salary and benefits.

Contact Information:

Is this the job you are looking for?

Apply by sending your application and resume to Human Resource at hrm@jolleyholding.com with subject line "Assistant Financial Controller".

For more information call (+297) 528-9550.


All information will be treated with the utmost confidentiality and discretion.



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



55,7% di Salvadoreño ta sostiene reeleccion indefini

(Infobae) - Mas cu mita di e pueblo Salvadoreño ta sostiene e posibilidad di un reeleccion presidencial sin restricción, un dato cu ta muestra un transformacion profundo den e percepcion ciudadano riba e limitacionnan di e mandato presidencial.

Segun e datonan colecta, 55,7% di e personanan consulta a expresa nan sosten pa e presidente Nayib Bukele por ripiti su cargo indefinidamente, poniendo e tema aki den centro di e debate publico Salvadoreño y marcando un tendencia cu lo influencia e rumbo politico di e pais.

E analisis di opinion civil recogí pa La Prensa Grafica Datos ta muestra cu, ademas di e mayoria den favor di reeleccion ilimita, tin un grupo di 22,8% cu ta sostiene e posibilidad di reeleccion, pero no di manera inmediato.

Na otro banda, 12% di e participantenan a expresa nan posicion opuesto, refiriendo elimina completamente cu-

alkier forma di reeleccion presidencial, mientras 9,4% a keda indeciso of no a contesta e pregunta. E resultadonan di e encuesta a ser comparti pa e presidente Salvadoreño mes riba su rednan social.

Cu respet na confiansa den e sistema electoral, e percepcion dominante ta un optimismo riba e respet pa e voluntad di e ciudadano. 75,8% di e personanan consulta a manifesta cu nan tin confiansa cu e resultadonan lo refleha fielmente e decision di e votadornan den e proximo eleccionnan, considerando cu e pais ta den un aña pre-eleitoral.


Mirando e panorama faborable aki, 10,5% a declara desconfiansa cu e voluntad popular lo ser cumpli, y 9% a indica cu nan confiansa ta solamente parcial. Un otro 4,7% di e participantenan a prefera no duna opinion of a bisa cu nan no ta sigur di e grado di confiabilidad di e proceso.

E interes pa participa den e eleccion presidencial di 2027 ta considerablemente halto entre e poblacion. Un 69,3% a sigura cu “definitivamente lo bay vota” y 17,9% a considera nan participacion “probabel”, cual ta revela un intencion creciente di compromiso civil.

Apenas 4,1% a indica cu nan probablemente no lo participa, mientras 5,1% a confirma cu no lo bay vota y 3,5% a nega contesta. E cifranan aki ta proyecta e posibilidad di un participacion civil robusto den e proximo contienda electoral.

E causanan cu ta motiva e asistencia na centronan di votacion ta muestra un diversidad cu ta varia entre sentido di responsabilidad ciudadano y factornan actual y opinionnan riba e gestion vigente.

Segun e encuesta, e deber y obligacion di vota, hunto cu e baloracion di vota como un derecho ciudadano, ta influencia directamente e decision di participa, representando



13,2% di e respuesta.

Un 10,9% a hustifica su voto pa sostiene e trabao realisa pa e gobierno actual. Otro motibonan menciona ta e customber di vota (8,1%), e deseo di sostiene e cambionan (6,9%) y e importancia percibi di vota (5%).

E resultadonan tambe ta detaya cu 32,1% di e personanan cu ta pensa di abstene nan ta atribui nan decision principalmente na desconfiansa den e proceso electoral. Na mesun tempo, 7,1% a bisa cu e falta di candidatonan atractivo ta desanima nan participacion, y 6,3% a menciona

dificultadnan logistico of di salubridad.

Un porcentahe minimo, 3,6%, a contesta cu nan asistencia lo depende di e oferta electoral, mientras e rechazo di reeleccion, compromiso di trabao y falta di interes den e proceso cada uno ta registra cifranan mas abao.

E motibonan restante ta distribui den porcentahenan chikito, incluyendo personanan cu ta mira abstencion como un otro derecho mas, of cu tin un tradicion di no vota.

Lista pa prome ronda presidencial na Colombia lo ta dos biaha mas grandi cu esun di 2022

(Infobae) - E diversidad di candidatonan ta habri un escenario impredecibel y ta stimula negociacionnan te ora cu e inscripcion pa e proceso electoral cera.

Tur cos ta indica cu 2026 lo ta un aña atipico den materia electoral, cu tres luna restante te e eleccion pa e prome ronda presidencial na Colombia, unda por lo menos 15 candidato cu ta buscando pa keda entre e dos prome luganan den e votacion.

E cifra aki ta representa dos biaha e cantidad di candidatonan compara cu e dos eleccion anterior, esnan di 2018 y 2022, caminda ciudadanonan mester a scoge entre ocho candidato.

E falta di acuerdo den e centro, hunto cu problemanan legal y discordia di e banda isquierda, a faborece un fragmentacion politico poco usual den e sectornan aki. Al contrario, e centro-derecha a consolida su depuracion di candidatura memey di e Gran Consulta pa Colombia, cu a funciona como un mecanismo unificador.

Entre e nombrenan mas visible tin Abelardo de la Espriella, ken repetidamente a defende su candidatura, sosteni pa mas cu 4,5 milyon di firma entrega na e Registro Nacional.

Tambe tin Ivan Cepeda, ken despues di e rechazo di e Consejo Nacional Electoral pa participa den e consulta

“Frente pa Bida”, a scoge pa sali for di e proceso ey y a confirma cu lo competi den e prome ronda cu e Pacto Historico. Un otro ta e ex gobernador di Antioquia, Sergio Fajardo, cu a reafirma su presencia, destacando e construccion di un mayoria politico for di consultanan como un strategia contra extremo ideologico.

E lista di candidatonan tambe ta inclui Maurice Armitage, ken a nenga di participa den e aliansa centrista y tin e sosten di e Partido Ecologista. Leonardo Huerta lo ta e unico cu lo competi den e “Consulta Solucionnan”.

Tres ex minister di e gobierno actual tambe ta sobresali: Mauricio Lizcano, ken tin

respaldo di Partido Aliansa Social Independiente y cu a logra certificacion di 1,8 milyon di firma colecta; Huan Fernando Cristo, ken lo bay cu sosten di En Marcha; y Luis Gilberto Murillo, ken a mantene su candidatura despues di colecta mas cu un milyon di firma civil.

Nan ta ser acompaña pa senador Clara Lopez, sosteni pa Esperanza Democratica, ken ta buscando pa bira un alternativa pa votadornan progresista cu no a logra uni den un consulta comun. Tambe ta aparece e ex minister di Interior Daniel Palacios—ken a keda for di e Gran Consulta y ta sigui su caminda independiente, e empresario Santiago Botero y e abogado Sondra Macollins, tur dos cu certifi-

cacion di firma, como tambe Carlos Felipe Cordoba.

E lista ta completa cu e tres pre-candidato ganador di e consultanan interpartidista di 8 di maart, asina formando e panorama mas plural di e decadanan reciente pa un proceso presidencial Colombiano.

E calendario oficial ta indica cu e inscripcion di candidatura ta keda habri for di 31 di januari te 13 di maart. Entre 14 y 20 di maart, lo habri e periodo pa modifica solicitudnan. Den e periodo ey, renuncia y aliansa nobo por ser finalisa, loke ta nifica cu e cantidad final di candidatonan ainda por varia prome cu e plazo cera.

Haiti: Alix Didier Fils-Aimé ta asumi e rol di presidente interino di Haiti



(DiarioLibre) - E presidente di Consejo Presidencial di Transicion (CPT) di Haiti, Laurent Saint-Cyr, a traspasa e mandato di e pais pa prome minister Alix Didier Fils-Aimé diasabra, encargando e cu e mision di Poder Ejecutivo.

“E mandato di Consejo Presidencial di Transicion ta termina dia 7 di februari. Entrante awe, CPT ta stop di existi y pa eherce Poder Ejecutivo. Aunke e mandato di CPT a termina, Haiti no ta dreitando den un bashi di poder. Awor, Consejo di Minister, bou di liderazgo di prome minister, lo asumi e responsabilidadnan,” Saint-Cyr a declara diasabra ultimo.

Autoridadnan eligi tabata programa pa tuma nan funcion den eleccionnan general cu ta sigui ser posponi—awor programa pa augustus—den un pais sacudi pa un crisis severo cu ta afectando practicamente tur aspecto di bida.

Diabierna anochi, a tene un reunion entre e alto mando di Polis Nacional Haitiano, directornan di departamentu, y e comandante hefe di e Gang Repression Force, General Godfrey Otunge.

“E obhetivo di e reunion aki ta pa tuma medidanan pa aumenta seguridad den henter e pais pa fin di e siman aki,” e director general di PNH, André Jonas Paraison, a skirbi riba su pagina di Facebook.

CPT a ser crea pa Nacionnan Uni na april 2024 pa implementa accionnan dirigi riba e gangnan arma poderoso cu ta controla 90% di Port-au-Prince y otro areanan di e pais, y tambe pa mehora e economia di e pais mas pover den America, tene eleccionnan general, y promove un referendum pa cambia e Constitucion.

Ningun di e metanan aki a ser cumpli, y CPT a conclui su mision cu resultadonan negativo.

Mas di 10 mil hende a ser mata na Haiti durante e mandato di CPT, estableci pa Consejo di Seguridad di Nacionnan Uni, mientras cu e porcentahe di e zona metropolitano di Port-au-Prince bou control di gang a subi di 80% pa 90%, segun cifranan di Nacionnan Uni, y areanan nobo di ciudadnan provincial awor ta ser controla pa gruponan arma.

E Consejo no por a organisa eleccionnan den e pais, ni e no a logra restaura seguridad publico, y e referendum pa revisa e Constitucion di e pais a ser bandona. E restauracion di estado di derecho y husticia no a materialisa.

E economia ta empeora constantemente den e pais mas economicamente deprimi den America, cu tambe ta sufriendo di deterioro di infraestructura.

Siman pasa, CPT a anuncia inicio di un proceso pa reemplaza e prome minister actual, Alix Didier Fils-Aimé, cu un prome minister di e gobierno interino dentro di un maximo di 30 dia. E proposicion aki a ser rechasa pa organisacionnan internacional y varios pais, incluyendo Merca, cu hasta a anuncia e revocacion di visa pa dos consehero y nan miembronan di famia debi na nan supuesto envolvimento cu “gangnan y otro organisacionnan criminal” den e pais.

E mesun siman aki, e Embahada di Merca na Haiti a informa e yegada na e capital Haitiano di tres barco di Marina di Merca como parti di Operation Southern Spear, cu e meta pa garantisar un Haiti “mas sigur y mas prospero”.

Prome minister Alix Didier Fils-Aimé a bisa cu e tabata “consciente” di e responsabilidadnan riba su schoudernan y cu e lo “cuminsa traha mersora.”

“E prerogativonan otorga na Poder Ejecutivo lo ser eherce, respetando e institucionnan y e mihor interesnan di e nacion. Ban pone Haiti na prome luga, biba Haiti!” Fils-Aimé a afirma ora el a asumi poder completo na nomber di e Consejo Presidencial di Transicion di Haiti (CPT), cu a completa su periodo.

“Mi ta probecha di e oportunidad aki pa elogia e compromiso di e presidente di CPT, Laurent Saint-Cyr, cu e principionan di continuidad estatal y estabilidad institucional. Sr. presidente, bo ta un

estadista. Henter e nacion ta reconoce esaki,” el a declara.

Tambe el a expresa e “gratitud” di e nacion na e miembronan di CPT cu, cu un sentido di deber pa cu e estado, ta conclui nan periodo den un spirito republicano.

“E Consejo Presidencial a haci su trabou, trahando e rumbo pa gobernacion enfocada riba seguridad y eleccionnan,” el a bisa.

Tambe el a pidi pa colaboracion di tur actor Haitiano pa pone e pais na prome luga, mientras el a elogia e “compromiso” di Saint-Cyr “cu e principionan di continuidad estatal y estabilidad institucional.” Presidente di e Consejo Presidencial di Transicion,

Laurent Saint-Cyr, a declara durante e transferencia di poder cu “e mensahe ta cla: seguridad, dialogo politico, eleccion y estabilidad.”

“Ta urgente pa restaura orden Republicano pa asina e pueblo por disfruta di tur e promesanan di democracia,” Saint-Cyr, e ultimo di e nueve miembronan di e Consejo cu a presidi esaki, a señala.

El a reconoce cu e situacion ta “complica” y cu ta necesario uni forsa pa entrega e resultadonan spera pa pueblo.

“E retonan cu nos ta enfrenta ta exige solidaridad, serenidad, y un habilidad mas grandi pa pone interesnan chikito un banda y sigui pa dilanti,” el a agrega.

MINI MEGA

MEGA PLUS

Cumpra bo Mini Mega y cu **Afl. 2,-** mas, bo por gana e jackpot di

1.325.000,-

Con?

Afl. 5

Afl. 875.000,-

ARUBA 1987 FLORIN

Extra!

Afl. 450.000,-

www.lottoaruba.com

Pa mas informacion yama 525-7555 of bishita nos website lottoaruba.com

A revela causa di morto di Catherine O'Hara

(ENews)—Mas detaye tocante e morto di actriz Catherine O'Hara a sali na cla. Casi dos siman despues cu e noticia a surgi cu e strea di Schitt's Creek a muri na edad di 71 aña, su causa di morto a ser lista como embolia pulmonar, cu cancer rectal como causa subyacente, segun TMZ a reporta, citando e oficina di Medico Forense di Condado di Los Angeles.



Anteriormente, su agencia di talento a comparti den un declaracion na E! cu el a muri na Los Angeles riba 30 di januari “despues di un enfermedad breve”.

Casi tres siman prome cu su morto, e actriz di Home Alone tabata notablemente ausente na Golden Globes di 2026, unda e tabata nomina

pa su rol secundario banda di Seth Rogen den The Studio. De hecho, su ultimo aparicion publico tabata durante e Premio Emmy di 2025 na september, unda e tabata dos biaha nomina pa The Studio y The Last of Us.

Prome cu su morto, Catherine—mama di dos yiu, Matthew Welch di 32 aña y Luke

Welch di 28 aña, cu su esposo Bo Welch—a revela cu e tabatin un condicion raro di curason, aunke normalmente no mortal, yama cardiac inversus, of dextrocardia cu situs inversus, unda e curason y otro organonan interno ta localisa na e banda opuesto di unda normalmente ta encontra nan.

“Mi ta un rareza, si!” el a broma durante un entrevista den 2021, splicando cu el a descubri e condicion mas despues den bida pasobra e no tabata gusta bay dokter. “Mi ta stima medicina Occidental, simplemente mi no kier ta parti di dje.”

Banda di esey, el a pasa gran parti di su tempo reflexionando riba con agradecido e tabata pa por sigui biba bida na su maximo. El a conta Julia Louis-Dreyfus den su podcast Wiser Than Me den 2024 cu su parti favorito di tin 70 aña tabata simplemente “ta bibo”.

Realmente, e amor pa bida ey tabata un sentimiento cu Catherine a expresa hopi biaha.

“Mi ta pensa riba edad, pero fuera di esey, casi nunca mi

ta wak mi mes den spiel,” el a bisa Elle Canada na september 2024. “Mi ta sinti cu awor, storianan tocante hende di mi edad mayoria bes tin di haber cu morto, divorcio y enfermedad. Pues mi ta hopi fortuna di tin hende rond di mi cu ta respeta hende mayor y cu ta duna mi experiencianan nobo.”

Pero ora tabata trata loke ta inevitable, Catherine no tabata ingenuo, y el a comparti di un manera calido y gracioso con e tabata imagina lo ta ideal pa muri.

“Hariendo, rondona pa mi nietonan grandi,” el a bisa Vanity Fair den 2013, “cu ta keda bisa mi: ‘Wela, laga bay pa caba!’”

Potret di AFP.

Nederlands Fotomuseum a habri su porta atrobe den warehouse historico di Rotterdam despues di renobacion

(NLTimes)—Nederlands Fotomuseum na Rotterdam a habri su portanan den su cas nobo recientemente renoba, e historico Pakhuis Santos, un warehouse antiguo cu awor a ser adapta pa aloha e coleccion nacional di fotografia di e museo, cu ta contene mas di 6,5 miyon obheto.

E ubicacion nobo di e museo ta ofrece un espacio mas grandi y mas eficiente, permitiend cu e por aloha su coleccion cu ta sigui crece. Ta anticipa cu e cantidad di

bishitante lo subi te 100.000 e aña aki, compara cu 60.000 na e ubicacion anterior.


E museo tambe ta presentando un camara, negativo y obhetonan personal historico, manera un lata cu fotografo Johan van der Keuken a usa un biaha pa warda su negativonan, segun NRC a reporta.

E prome piso ta aloha e exhibicion permanente “Hall of Fame di Fotografia Hulandes”, cu ta muestra 99 imagen cu ta conta e desaroyo di fotografia Hulandes desde

1839 te e era digital. E museo ta exhibi obranan di Anton Corbijn, Ed van der Elsen, Rineke Dijkstra y Erwin Olaf.

Mas aya di e coleccion permanente, e museo awor ta inclui dos exhibicion temporal: “Rotterdam in Focus”, cu ta muestra mas di 300 bista urbano desde 1843 te awe, y “Ontwaken in Blauw”, un exhibicion enfoca riba cianotipo cu ta explora interpretacionnan contemporaneo di e proceso fotografico di siglo 19.

E reapertura ta marca fin di



un periodo turbulento pa e museo, incluyendo cambionan den maneho y un apertura retrasa, y tabata posible danki

na un donacion di 40 miyon euro cu a permiti e adkision y renobacion di Pakhuis Santos.

Strea di YouTube MrBeast a cumpra un app bancario enfoca riba hobennan



(AFP)—MrBeast, e youtuber mas popular di mundo, a cumpra un app bancario enfoca riba generacion Z, el a anuncia di aluna, marcando un otro adiccion na su interesnan empresario.

E strea online, ken su number berdadero ta Jimmy Donaldson, a anuncia riba social media cu su compania Beast Industries a adkiri Step, un plataforma di servicio financiero.

“Ningun hende a siña mi

tocante inversion, construi credito of maneho di placa ora cu mi tabata creciendo,” e hoben di 27 aña a bisa. “Mi kier duna miyones di hoben un base financiero cu mi nunca tabatin.”

Aunke e plataforma ta ofrece carta di credito y debito, y cuentanan cu ta paga interes, Step tecnicamente no ta un banco, sino un plataforma di servicio financiero cu ta ser respalda pa Evolve Bank & Trust. No a revela cuanto e adkision a costa. Step y Beast Industries no a responde inmediatamente na peticion di AFP pa comentario.

MrBeast tin mas di 450 miyon suscriptor riba YouTube — e cantidad mas grandi di mundo — y su canal ta specialisa den competencianan absurdo y iniciativanan filantropico rond mundo.

Video por costa miyones di dollar pa produci, cu un equipo di mas o menos 300 hende.


El a transforma e exito ey den un programa di competencia pa television riba Amazon Prime Video, y tambe den un parke di diversion temporal na Arabia Saudita yama Beast Land.

Su marca di snack, Feastables, mientras tanto ta generando shen miyones den benta, rivalisando e ingreso for di e videonan di YouTube cu originalmente a hacie famoso.

“Nos ta entusiasma cu e manera cu e adkision aki lo amplifica nos plataforma y lo trece mas producto innovador pa clientenan di Step,” CEO y fundador di Step, CJ MacDonald, a bisa den un declaracion.

Talbes e participantenan den e videonan di MrBeast por beneficia di e meta di Step pa siña alfabetisacion financiero.

Bad Bunny ta celebra Puerto Rico na Super Bowl, causando critica di Trump



(AFP)—Superstrea Portorriqueño Bad Bunny a transforma e Super Bowl den un fiesta grandi, enfatisando unidad riba division den su presentacion historico completamente den Spaño—pero asina mes hayando e critica di Donald Trump.

Anticipacion tabata sumamente halto pa e presentacion aki, memey di speculation tocante si e lo usa su plataforma pa renoba su critica di e abordamento di inmigracion di e administracion di Trump dilanti dies miyones espectador.

Pero e musico popular, di ken su nomber legal ta Benito Antonio Martinez Ocasio, a haci bon riba su promesa pa comparti su cultura—y a evita haci declaracionnan directamente politico den favor di mensahenan mas sutil usando simbolonan.

Den un parti di e presentacion unda por a mira matanan di caña, un carrito “piragua” tradicion bendiendo cos du-shi, y hasta un boda, el a haci cu “Titi Me Pregunto” y un himno feminista “Yo Perreo Sola,” cu un elenco di bailarinnan estimulando e atmos-

fera di e fiesta.

Actornan Pedro Pascal y Jessica Alba, y rapero Cardi B tabata entre e streanan cu tambe a aparece den e presentacion, bailando den “La Casita”, representando un cas na Puerto Rico. Bad Bunny a bisti full den blanco, cu un jersey di futbol cu e number 64, y Ocasio, pero cu el a pone un bachi.

El a toca mas e topico politico cu “El Apagon”, cual ta papia di e desplazamento di Portorriqueñonan riba nan mesun isla, y e problemanan constante causa pa e grid di coriente inconfiable. E tabata carga un bandera di Puerto Rico na dado momento

E presentacion tambe a inclui un mucha chikito mirando e Grammys y un set di television bieu. Bad Bunny, ken a gana Album di Aña un siman pasa, a presenta na e mucha—kisas un version mas jong di su mes—un gramofono di oro.

Hende riba rednan social a bira loco cu rumornan no verifica cu e mucha tabata Liam Conejo Ramos, un mucha homber di Ecuador cu recien a ser deteni pa

agentenan di ICE na Minnesota. Un vocero di NFL a confirma na AFP cu e mucha tabata un actor, y un publicacion riba Instagram di e mucha, Lincoln Fox, tabata tin e hashtag #youngbadbunny.

Presentacionnan di sorpresa a inclui Lady Gaga, ken a canta un version salsa di su cantica popular “Die With a Smile”—e unico letranan Ingles den e presentacion—y cantante Portorriqueño Ricky Martin.

Durante e ceremonia di Grammys, Bad Bunny a haci un declaracion critico tocante e abordamento di inmigracion, cual a haya elogio pasobra el a bisa “ICE out” riba escenario. Pero diadomingo, e no a haci un critico directo riba e presidente Republicano.

Na fin di su set, despues di menciona paisnan den continente America y den Caribe, Bad Bunny a muestra un bala di futbol Mericano cu a bisa “Hunto, nos ta Merca.”

Un pantaya gigante den e stadion tabata bisa: “E unico cos mas poderoso cu odio ta amor.”

No obstante, Trump rapidamente a critica e presentacion, bisando: “Ningun hende ta compronde kico e homber ta bisando—aunke dato di gobierno ta muestra cu mas di 41 miyon Mericano ta papia Spaño.

Publicando riba su cuenta di Truth Social, el a yama e show “un ofensa na e Grandesa di Merca.”

Critico anterior

Bad Bunny tabata e artista mas toca riba Spotify cuatro diferente biaha, incluyendo aña pasa, y a gana Album di Aña na Grammys cu “Debi Tirar Mas Fotos”—e prome obra den Spaño pa gana e premio mas halto di e ceremonia.

Pero e decision pa muestra su obra na Super Bowl a enfrenta critica conservativo—specificamente tocante e idea cu e no lo canta den Ingles.

NLF a drenta den acuerdo na 2019 cu e compania di Jay-Z Roc Nation, cual ta lidera e strategia di entrenamiento



di e liga. Desde e tempo ey, e lista di presentadornan di Super Bowl a inclui Jennifer Lopez y Shakira (cu apariencia corto di Bad Bunny), pero e duo no a presenta exclusivamente den Spaño, lagando Bad Bunny pa kibra record.

Di Vega Baja pa Super Bowl

Bad Bunny a crece na Vega Baja, un municipalidad chikito cerca di e capital di Puerto Rico, San Juan. El a traha den supermercado poniendo compras den saco y a haya un yamada di un label pa su canticanan viral riba e plataforma SoundCloud.

Asina e strea a haya su fama riba escenario global.

Fin di aña pasa, Bad Bunny a lansa “Debi Tirar Mas Fotos,” un les den historia di musica Portorriqueño cu el a promove for di un concierto na cas y un gira mundial. Na Puerto Rico, un teritorio di Merca desde 1898, no tabatin nada mas cu orguyo pa e yiu di tera.

“Pa un persona cuminsa di aki pa yega na e eventonan mas importante na Merca ta un fuente di orguyo pa tur Portorriqueño,” Olvin Reyes, 39, a conta AFP.

Feyenoord ta pidi Utrecht pa splica trato bruto di polis contra fanaticonan



(NLTimes)—Feyenoord a pidi municipalidad di Utrecht dialuna pa duna aclaracion tocante e manera con polis a trata e fanaticonan di club di futbol di Rotterdam riba diadomingo atardi. Maneho di club a ricibi “tanto relato como imagennan perturbador tocante recepcion y salida di nos sostenedornan na Stadion Galgewaard,” Feyenoord a bisa den un declaracion riba su website.

Video comparti online ta muestra polis antidisturbio

y un equipo di aresto arma usando forza contra fanaticonan di Feyenoord rond di e partido contra FC Utrecht diadomingo. Varios video chikito, aparentemente graba despues di e partido, ta muestra polis antidisturbio ta dal hende cu bat. Un otro video ta muestra un polis usando spray di promente contra sostenedornan cu tabata subiendo bus.

Feyenoord a bisa cu e no kier saca conclusion apresura. “Sinembargo, imagennan publica riba social media y relatonan di testigo ocular ta

indica fuertemente cu algun polis a actua di un manera innecesariamente bruto prome y specialmente despues di e partido entre FC Utrecht y Feyenoord.”

E club lo pidi e municipalidad di Utrecht “pa mas splicacion y un investigacion tocante e manera cu e sostenedornan cu a biaha a ser trata.”

Un vocero di alcalde di Utrecht, Sharon Dijksma, a bisa RTV Utrecht cu intervencion di polis antidisturbio contra fanaticonan di Feyenoord tabata necesario pasobra tabatin

miedo di un confrontacion entre gruponan di sostenedor di FC Utrecht y e club bishitante. “Sostenedornan tabata buscando otro,” un vocero municipal a bisa. Pa e motibo ey, a desplega polis antidisturbio.

Polis di Utrecht a bisa cu nan solamente por comenta riba e asunto dialuna. Un vocero a bisa ANP cu a haci dos aresto: un pa sedicion y un pa tin un prohibicion di stadion.

Asociacion oficial di sostenedornan di Feyenoord a condena e trato di e fanaticonan di Rotterdam. “Sostenedornan merece respet,” asociacion di sostenedor De Feijenoorder a bisa den un de-


claracion. “No pa wordo trata como si fuera for di principio nan tabata sospechoso.”

Segun e asociacion di sostenedor, fanaticonan di Feyenoord a ser enfrenta cu “un presencia grandi di polis” ora cu nan bus a yega y a ser persigui “riba base di ‘indicacionnan’ vago cu por tin klapchi.”

“Nos ta considera e curso di eventonan aki desproporcion, intimidante y inaceptable,” e asociacion a skirbi. Medida di seguridad mester ta “proporciona, cu cuido y bon fundamenta,” nan a bisa. “Loke a pasa aki ta desproporciona segun nos opinion.”



Organisadornan di Weganan Olimpico di Invierno ta investiga reportahenan di medayanan dañá



(AFP)—Organisadornan di Weganan Olimpico di Milan-Cortina 2026 a bisa dialuna cu nan ta investigando pakico medayanan ta kibra, despues cu com-

petidornan, incluyendo esun cu a gana oro, skier Breezy Johnson, a bisa cu nan medaya ta kibra.

“Nos ta consciente di e situa-

cion. Nos a mira e imagennan. Obviamente, nos ta purbando di compronde den detaye si tin un problema,” Andrea Francisi, hefe di operacion di Weganan di Milan-Cortina 2026, a bisa durante un conferencia di prensa.

Johnson, e Mericano cu a gana oro den downhill di ski alpino pa muhernan diadomingo, tabata entre e promenan cu a topa cu e problema ora cu el a muestra su medaya kibra durante e conferencia di prensa despues di e evento.

“Asina ki ta e medaya. Y aki ta e cinta,” el a bisa reporteronan. “Y aki ta e pida chikito cu mester dreña den e cinta pa tene e medaya, y si, el a separa.”

E skier di 30 aña a duna un advertencia na su competidornan.

“No bula cu nan,” el a bisa. “Mi tabata bula di emocion y el a kibra... No ta comple-

tamente destrui, pero un tiki kibra.”

Mesun cos a pasa cu Alysa Liu despues cu el a gana oro como parti di evento di schaatsen artistico di USA riba diadomingo.

“Mi medaya no mester e cinta,” el a skirbi den un video cu el a publica riba Instagram, acompaña cu un potret unda e ta tene e medaya den un man y e cinta separa den e otro.

Biathleta Aleman Justus Strelow, ken a gana brons den e relay mixto diadomingo, casualmente a captura e momento cu su medaya a sali dañá despues di celebra cu su compañeronan.

Den un clip publica riba Instagram, e equipo Aleman di relay ta bulando ariba y abao celebrando ora diripiente e medaya di brons di Strelow a los y un zonido metalico fuerte a resona den e camber.

“Olimpiada, kico ta pasando cu e medayanan ey?” e biathleta a puntra den e video.

Organisadornan di e Weganan a bisa cu nan ta “dunando atencion maximo na e asunto aki” pa “tur cos ta absolutamente perfecto” pa e atletanan cu ta ricibi medaya.

No ta e prome biaha cu atletanan Olimpico a experencia un problema asina.

Mas o menos 220 medaya den Weganan di 2024 na Paris, cual tabata contene un pida chikito di metal recicla for di Toren Eiffel, mester a ser reemplasa pasobra nan a bira preto of a cuminsa oxida rapidamente.

E 1.146 medaya pa e Weganan Olimpico di Invierno di 2026 a ser fabrica pa e Instituto Poligrafico e Zecca dello Stato, e cas di moneda nacional di Italia.

Abogado ta bisa cu rookie di Falcons, James Pearce Jr., ta insisti riba su inocencia

Mientras ta enfrenta 5 cargo di delito

(AP) — Abogado di rookie di Atlanta Falcons, James Pearce Jr. ta bisa cu Pearce ta “insisti riba su inocencia” mientras e ta enfrenta cinco cargo di delito despues di su aresto cerca di Miami diasabra nochi.

E cargonan contra Pearce ta inclui huy di polis despues di loke polis di Doral a bisa tabata un disputa domestico cu hungador di WNBA, Rickea Jackson. Pearce a keda aresta despues di a crash su auto. E cargonan contra dje ta inclui dos pa agresion agrava cu un arma mortal y acoso agrava.

Segun detayenan di e aresto den e dossier di keho/aresto obteni pa AP for di oficina di fiscal estatal na condado Miami-Dade dialuna, Pearce a desobedece un orden iniciado di polis pa “drumi riba vloer” ora nan a responde na e melding di disputa domestico. E relato di polis ta bisa cu Pearce despues a core bay den auto y a dal un agente di polis na su rudia cu su Lamborghini “intencionalmente den un intento pa evadi aresto.”

Segun polis, Pearce a crash su auto y despues a continua den su intento pa evadi polos door di core, prome cu a deten’e despues di un “lucha cortico.”

Polis a bisa cu Jackson a bisa polis cu el a termina e relacion cu Pearce despues di tres aña y a blokea su number, prome cu Pearce a continua tuma contacto cune usando un number diferente.

Segun polis, Jackson a bisa nan cu el a purba di core bay for di Pearce den su auto, y tabata core den direccion di warda di polis na Doral pa busca ayudo na momento cu Pearce “intencionalmente a dal den e parti patras di su vehiculo cu su SUV” prome cu polis a yega.

Pearce a paga un fianza di \$20.500 diadomingo na Centro Correccional Guilford Knight.

“Nos ta anticipa di traha cu oficina di Fiscal Estatal pa investiga completamente e caso aki y descubri e berdad,” abogado di Pearce, Jacob Nunez a bisa den un declaracion pa AP dialuna. “Sr. Pearce ta insisti riba su inocencia y ta urgi publico pa compronde cu mientras acusacionnan tin e poder pa duna forma na un narrativa, esey no ta e storia completo. Nos ta anticipa pa defende nos cliente vigorosamente y tin tur confiansa cu e ta bay sigui contribui positivamente na tanto su team como e comunidad cu e ta sirbi asina bon.”

Nunez a nenga di duna mas



comentario.

Pearce a ricibi un ordo prehuicio pa keda leu di Jackson. E relacion entre Pearce y Jackson a cuminsa tempo cu ambos tabata hunga na Tennessee. Jackson a sinta banda di Pearce na e NFL draft di 2025.

Falcons a bisa den un declaracion diasabra cu nan tabata na altura di su aresto. “Nos ta den proceso di compila mas informacion y no ta bay tin mas comentario tocante un asunto legal habri na e momento aki,” e team a bisa.

E cargonan por menasa e futuro di Pearce cu e team.

Falcons a intercambia nan draft pick di prome ronda di 2026 na Los Angeles Rams pa e overall pick No. 26 den e draft aña pasa usa pa selecta Pearce. Despues el a kibra un record di rookie pa e Falcons cu 10 ½ sacks liderando e team. E Falcons a pone un team pa e record cu 57 sacks, un aña despues di keda na penultimo lugar den e liga cu apenas 31.

A pesar di mehoracion den pase, e Falcons a caba 8-9 pa nan di ocho temporada consecutivo di derota. Coach di segundo aña, Raheem Morris y manager general Terry Fontenot a haya retiro. Presidente nobo di futbol, Matt Ryan

a yuda duna forma nobo na liderazgo di e team, incluyendo contratación di coach Kevin Stefanski y manager general Ian Cunningham.

Ryan, Cunningham y Stefanski ya a enfrenta decisionnan dificil den offseason, incluyendo e posible retiro di quarterback veterano, Kirk Cousins a pesar di e status incierto di starter Michael Penix Jr. pa comienso di offseason mientras e ta recupera di un lesion na su rudia. Aresto di Pearce y ramificacionnan legal incierto ta agrega dificultad significativa na e reto di construi e prome temporada ganador pa e team y aparicion den playoff desde 2017.

Team Cadillac di Formula Uno tin confiansa cu por resolve demanda cu Michael Bay

(AP) - Team di Formula Uno, Cadillac tin confiansa cu por resolve un disputa cu director di pelicula Michael Bay, kende ta demandando pa \$1,5 miyon pa a usa su ideanan sin permiso den un comercial di Super Bowl.

Den un demanda di 19 pagina obteni diabierna na Corte Superior di Los Angeles, Bay a acusa Dan Towriss, doño director y CEO di team F1 Cadillac, di usa su ideanan pa e comercial prome cu “abruptamente el a dicidi di bay den otro direccion.”

Cadillac a bisa den un declaracion na AP dialuna cu a reuni cu Bay un par di bira y “a bira cla cu e no por



a cumpli cu nos timeline, y cu na final no tabatin un caminda pa bay dilanti.”

“No ta cla pakico e ta treciendo e demanda aki ya cu e concepto y creativo ya tabata

desaroya y nos tabata djis explorando e como un director,” Cadillac a bisa. “Nos tin

confiansa cu esaki ta bay keda resolve apropiadamente. Asina mes, ainda nos ta admira e briyo creativo di Michael Bay y lo acepta e oportunidad di traha hunto den futuro.”

Den e transmission comercial diadomingo durante Super Bowl, e team a revela un auto nobo cu un discurso famoso di ex-presidente Mericano, John F. Kennedy.

Den su demanda, Bay, e director ganador di premio pa pelicula di accion y comercial, a bisa cu Towriss vagamente a bis’e di e discurso di JFK y el a mustre un clip di siete minuut di “Transformers 3” unda el a usa e discurso, y a bisa cu “Towriss tabata encanta.”

Elon Musk a revela cu inteligencia artificial lo yega espacio den menos cu 3 año

(Infobae) - E propuesta di CEO di SpaceX ta busca pa instala centronan di dato orbitando Tera, alimenta solamente cu energia solar di espacio, pa supera e limitacionnan energetico di Tera.

E vision di Elon Musk, CEO di SpaceX, riba e expansion di inteligencia artificial (AI) mas leu di planeta Tera, a bira controversial cu e anuncio cu, den menos cu tres año, e ta plania di instala centronan grandi di dato den orbita di Tera.

Segun e empresario a splica, e paso aki lo hacie posibel pa supera e limitacionnan actual di energia riba Tera y lo habri un etapa cu lo transforma completamente e desaroyo, entrenamento y operacion di sistemanan di AI di proximo generacion.

Pakico Elon Musk kier centronan di dato di AI afo di Tera

Durante un combersacion riba e podcast Cheeky Pint, presenta pa

Dwarkesh Patel, e empresario a splica cu su obhetivo ta pa instala aceleradornan grafico den espacio, loke el a defini como “pone un terawatt di GPU den orbita”.

E infraestructura aki, alimenta completamente pa energia solar colecta pafo di atmosfera, lo logra un eficiencia te cinco biaha mas halto cu panelnan riba superficie di Tera.

E magnate tecnologico ta basa e diferencia aki riba e ausencia di factornan terrestre manera ciclo di dia-anochi, nubia of stacionnan, y el a yega te specifica: “Solamente e atmosfera ta produci un perdida di energia di mas o menos 30%”.

Durante e entrevista, Musk a splica cu su proyecto ta inclui e lansamento di te un miyon satelite rond di Tera, cual lo ta interconecta pa forma complehonan di procesamiento dedica exclusivamente na inteligencia artificial.

El a menciona cu panelnan solar di espacio por ser fabrica mas economi-

camente, pasobra nan no ta rekeri sosten grandi ni sistemanan di almacenamiento manera bateria special of glas reforsa, cu ta necesario den e ambiente terrestre.

Cua ta e retonan tecnico di e plan di Elon Musk den espacio

Ora e presentador a puntra riba e retonan tecnico di opera e tipo di centronan di dato aki pafo di Tera, Musk a minimisa e complicacionnan di mantene y repara procesadornan den microgravidad.

El a sostene cu, despues cu e fase inicial di purificacion di chipnan fabrica door di companianan manera Nvidia, Tesla of desaroyonan similar, e aparatonan ta ofrece un grado halto di confiabilidad: “No kere cu mantencion ta un problema”, el a bisa.

Sinembargo, e dialogo a toca otro dificultadnan, manera e exposicion di hardware na radiacion cosmico of e maneho eficiente di ‘bandwidth’



usando laser di gran capacidad, esencial pa transmiti gran volumen di dato entre orbita y superficie.

Frente di e punto nan aki, Musk a concentra riba un limitacion diferente: e falta di turbina adecua pa friamento di e sistemanan, sin drenta mas profundo den e resto di obstaculonan tecnico menciona.

EU ta adverti Meta cu mester habri WhatsApp pa chatbotnan di AI rival

(AFP) - E ehecutivo di e Union Europeo (EU) a bisa Meta dialuna cu mester laga chatbotnan di inteligencia artificial rival usa su plataforma WhatsApp, despues cu un investigacion antimonopolio a conclui cu e gigante Mericano ta violando regla di competencia di e bloc.

E Comision Europeo a bisa cu un cambio den termino di Meta a “efectivamente” blokea asistentenan di inteligencia artificial di tercer partido pa conecta cu clientenan via e plataforma di mensahe desde januari.

Hefe di competencia Teresa Ribera a bisa cu EU ta “considerando” medida provisional pa “evita cu e politica nobo di Meta dañe competencia den Europa di un manera irreparable”.

E ehecutivo Europeo a manda Meta un advertencia concoci como un “statement of objections”, un paso formal den investigacionnan antimonopolio, y awor e gigante Mericano tin oportunidad pa contesta y defende su posicion.

Medidanan provisional, si e Comision sigui dilanti, porifica cu Meta lo ta obliga pa “mantene e acceso di asistencianan di AI di tercer partido na WhatsApp bao di e mesun



condicionnan prome cu e cambio di politica, te fin di e investigacion”, segun un vocero a bisa.

E paso di dialuna no ta perhudica e resultado final di e investigacion.

Meta a rechasa e conclusionnan preliminar, bisando: “E hechonan ta cu no tin ningun motibo pa EU interveni”.

“Tin hopi opcion di AI y hende por usa nan via e app store, sistema operativo, aparato, website y colaboracion industrial. E logica di e Comision ta asumi incorrectamente cu e WhatsApp Business API ta un canal clave pa distribucion di e chatbotnan”, un vocero di e compania tecnologico a bisa.

Habri na december, e investigacion di EU ta marca e intento mas reciente di e bloc di 27 pais pa frena companianan di ‘Big Tech’, hopi di nan basa na Merca, memey di resistencia fuerte di e gobierno di presidente Donald Trump.

Meta den mira di reguladornan

Meta a integra su propio asistente generativo, Meta AI, den tur plataforma di e compania, incluyendo Facebook y Instagram, cu ta ser usa pa biyones di hende mundialmente.

E restriccionnan nobo riba rivalnan ta aplica ora AI ta e servicio principal — manera un chatbot of asistente —

aunke companianan por sigui usa AI pa funcionnan di sosten manera servicio di cliente via WhatsApp.

Reguladornan Europeo ta preocupa cu cera e mas cu tres biyon usuario di WhatsApp den Meta AI por duna e compania un bentaha comercial riba chatbotnan rival, particularmente esnan chikito den mercado.

E investigacion ta cubri e Area Economico Europeo (EEA), cu ta inclui e 27 estado di EU, Islandia, Liechtenstein y Noruega — cu excepcion di Italia, cu a habri un investigacion separa riba Meta na juli. E Comision a bisa cu Meta “probablemente ta dominante” den e EEA pa appnan di mensahe pa consumidor,

specialmente via WhatsApp, y a acusa Meta di “abusa di e posicion dominante” door di nenga acceso na competidornan.

“No nos por laga companianan tecnologico dominante usa nan dominio ilegalmente pa duna nan mes un bentaha inhusto”, Ribera a bisa den un declaracion.

No tin un plazo legal pa conclui un investigacion antimonopolio.

Meta ya caba ta bao di investigacion tambe bao di otro leynan den e Union Europeo. Reguladornan di EU tambe ta investigando Facebook y Instagram pa preocupacion cu nan no ta haci suficiente pa combati riesgo di adiccion di red social entre muchanan. E compania tambe a apela un multa di 200 miyon euro (238 miyon dollar) imponi aña pasa pa e Comision bao di e ley di competencia online, e Digital Markets Act.

E caso ey tabata enfoca riba e politica di pidi usarionan pa scoge entre un suscripcion sin anuncio y un servicio gratis cu anuncio, y Bruselas y Meta ta sigui den combersacion pa busca un alternativa cu por contesta e preocupacionnan di EU.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Sonar bien – sonar convincente

José Martí y Miguel de Unamuno como fuente de inspiración para poetas Arubanos

por Willem Bant

Cada año, el 18 de marzo, nuestro Día Nacional, inspira a poetas patrióticas a escribir líricamente sobre ‘e pida barancaaki’, ‘nos playanan’, ‘nos escudo y nos bandera’. Para mucha gente, son textos llenos de clichés; son casi poemas prefabricados. Los autores de estos textos se defienden: ese día me exige a escribir de esta manera; son simplemente palabras que no pueden faltar en poesía patriótica. No, pues. La literatura universal ofrece muchísimos ejemplos de textos nacionalistas, de poemas patrióticos que no son construidos con base en lugares comunes y que sí son literatura. Poemas que suenan bien y convincente. He aquí dos ejemplos: ‘¡10 de octubre!’ del cubano José Martí y ‘La sangre de mi espíritu’ del español Miguel de Unamuno.

La voz que suena en el poema “¡10 de octubre!” de José Martí (1853-1895) es la voz de una persona orgullosa; una persona que quiere defender algo y que al mismo tiempo está preparada para atacar. Es más: habla un hombre que está a punto de explotar, de estallar de rabia; un hombre que ya no puede esperar; llegó la hora. Es un poema que Martí pudiera haber escrito completamente con mayúsculas; es un poema que termina con un signo de exclamación; es un poema que echa chispas.

Cuando terminamos la lectura, oímos los gritos del ‘cubano pueblo, enfurecido’ y estamos al lado de ese país que muestra ‘su fuerza y heroica valentía’. No hay otra opción: con Martí y el pueblo cubano vamos a la guerra contra el colonizador con la esperanza que se libere la isla de España, ese ‘bárbaro opresor’ – y que no nos pase lo que le pasó al propio poeta, que murió en la primera batalla contra la metrópoli.

El mensaje del poema es claro: Martí quiere que su país rompa ‘el dogal que la oprimía’. Visto este mensaje es llamativo que el poeta haya optado por la forma tradicional del soneto: el mensaje de romper el dogal se expresa a través de un dogal.

El soneto de Martí no rompe con las normas tradicionales de esta forma: son catorce versos de arte mayor organizados en cuatro estrofas (dos cuartetos, dos tercetos) con rima consonante. Dentro del poema, Martí emplea varios recursos retóricos tradicionales. Ya en el primer verso el poeta se expresa por medio de una antítesis (‘sueño’ – ‘verdad’); la aliteración en ‘grito de guerra’ enfatiza el contenido de las palabras y no deja dudas sobre el mensaje del poema. Hay algo de rima asonante en ‘bélico estampido’, pero esta combinación tiene sobre todo cierto impacto como onomatopeya: se oye la guerra. Y claro: desde la primera estrofa, llaman la atención los en-

cabalgamientos y las anástrofes – los dos bastante artificios.

La voz que suena en el poema “La sangre de mi espíritu” del español Miguel de Unamuno (1864-1936) es la voz de una persona orgullosa; una persona que quiere defender algo y que al mismo tiempo está preparada para atacar. Es más: habla un hombre que está a punto de ...

No, Unamuno no es Martí; Martí no es Unamuno. Pero hay coincidencias, eso sí. Ambos se expresan desde una posición oprimida y defienden lo propio: Martí lucha por la patria y por una Cuba libre. Otra patria defiende Unamuno; una patria que define como todos los lugares ‘donde resuene / soberano’ la lengua española. Y lo hace dentro de ese ambiente pesimista que reinaba en España después de 1898, cuando el país perdió sus últimas colonias, Filipinas, Puerto Rico y Cuba, la patria de Martí.

Tal como Martí, Unamuno optó por la forma del soneto para mandar su mensaje al mundo. El recurso retórico que más llama la atención en el poema de Unamuno es la personificación: ya en la primera estrofa, la lengua española es presentada como algo vivo; esta idea continúa en la segunda estrofa: ‘Ya Séneca la preludió aún no nacida’. La personificación se combina con la identificación: la lengua es sangre y espíritu; la lengua es mi ser; mi lengua soy yo; yo soy mi lengua. Y como Colón ‘con ella redobló la Tierra’, es también la lengua de ‘cien pueblos contrarios y distantes, / que las flores en ella hallaron brote’ – al respecto alcanza un ejemplo: José Martí.


Sin lugar a dudas hay muchas diferencias entre “¡10 de octubre!” y “La sangre de mi espíritu”: son poemas escritos en épocas diferentes y en contextos difíciles de comparar; son textos creados en países muy distantes entre sí por autores con caracteres diferentes. El tono de Martí es más romántico, más vehemente, mientras que Unamuno se expresa de forma más pausada.

Pero ambos poemas suenan bien, y eso es lo que se exige tradicionalmente de un soneto – sonar bien. Y más importante todavía: suenan convincente. Vale más el contenido que la forma. Son poemas escritos por dos hombres heridos, pero orgullosos; son dos poetas dispuestos a luchar por su patria y por su lengua, por lo propio y la propia identidad – y así por su propio ser. Que estos textos sean una fuente de inspiración para los patriotas arubanos que quieran escribir sobre Aruba con motivo de nuestro día nacional.

José Martí - ¡10 de octubre!
No es un sueño, es verdad: grito de guerra
Lanza el cubano pueblo, enfurecido;
El pueblo que tres siglos ha sufrido
Cuanto de negro la opresión encierra.
Del ancho Cauto a la Escambráica sierra,
Ruge el cañón, y al bélico estampido,
El bárbaro opresor, estremecido,
Gime, solloza, y tímido se aterra.
De su fuerza y heroica valentía
Tumbas los campos son, y su grandeza
Degrada y mancha horrible cobardía.
Gracias a Dios que ¡al fin con entereza
Rompe Cuba el dogal que la oprimía
Y altiva y libre yergue su cabeza!



Miguel de Unamuno - La sangre de mi espíritu
La sangre de mi espíritu es mi lengua,
y mi patria es allí donde resuene
soberano su verbo, que no amengua
su voz por mucho que ambos mundos llene.
Ya Séneca la preludió aún no nacida
y en su austero latín ella se encierra;
Alfonso a Europa dio con ella vida.
Colón con ella redobló la Tierra.
Y esta mi lengua flota como el arca
de cien pueblos contrarios y distantes,
que las flores en ella hallaron brote,
de Juárez y Rizal, pues ella abarca
legión de razas, lengua en que a Cervantes
Dios le dio el Evangelio del Quijote.



Auto saliendo di cura na Ponton a mal calcula velocidad y a causa accidente

Diadomingo mainta a drenta informe di un accidente cu hende herida na Ponton, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un Honda Fit RHD cu a bay sali for di un cura pero a mal calcula e distancia y e velocidad di e pick-up cu tabata bini di zuid y esaki a bin dal e banda robes di e Fit heridando ambos yiu hoben sinta na banda robes den e auto. Na yegada di e 2 ambulancen nan a atende y transporta ambos pa hospital.



Persona di 67 aña a corta su man cu cuchiu na Jupiterstraat

Diadomingo atardi a drenta informe di cu un persona di 67 aña lo a corta su man cu cuchiu na Jupiterstraat, mesora a dirigi tanto polis como ambulance na e sitio.

Na yegada di e ambulance a bin compronde cu durante cu e victima ta cortando, e lo a corta su man tambe. A compronde tambe cu su presion ta bahando y e ta sacando. Mesora nan a atend'e y como cu e corta no ta dje grandi ey e victima di edad a bay hospital cu nan mesun transporte.



Turista di edad a cay y tabata keha di dolor di lomba na Turibana Plaza

Diadomingo merdia a drenta informe di cu un turista di edad kedando na Turibana Plaza a cay y no por a habri e porta, mesora a dirigi tanto ambulance como bomberonan na e sitio.

Na yegada di e bomberonan ya nan a logra habri e porta y e personal si bombero a logra drenta y a compronde cu victima ta keha di dolor di lomba. Na yegada di e ambulance nan a atende e victima y cu ayudo di bomberonan a logra bah'e y transport'e pa hospital.



Accidente entre auto cu brommer banda di Veld Crismo Angela y Nady Croes

Diadomingo atardi a drenta informe di un accidente entre un auto y un brommer, mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre un auto y un brommer pero afortunadamente ningun hende a resulta herida.



Chauffeur a accidenta 2 biaha tras di otro y a resulta herida!



Dialuna madrugada a drenta informe di un accidente cu hende herida banda di e botica na Santa Cruz, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur di un Toyota Vitz a bay dal riba e muraya di e botica na warda. Esaki despues di a accidenta na e rotonde Santa Cruz. Debi na e impacto fuerte aki e chauffeur a resulta herida. Na yegada di e ambulance nan a atende e victima herida y a transport’e pa hospital.



Polis a conduci control mas
suave despues di Parada di
Mucha



Diadomingo atardi despues di e parada di mucha na San Nicolas, polis a controla auto na un manera diferente.

Polisnan a tene un control mas suave, esta no tabata para controla tur e autonan manera costumber, pero unicamente tabata para e chauffeurnan cu tabata un poco nervioso a simpel bista.

Polis a detene persona durante kimamento di Momito na San Nicolas



Diadomingo anochi durante di e kimamento di Momoito polisnan atento riba caya a detene un sospechoso.

Aki a compronde cu e sospechoso tabata na e evento y pa un motibo of otro a ser deteni. E motibo pa e detencion no a ser revela pa agentenan policial.

Resultado Sorteo

09 februari 2026



Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
4496	0454	0531	4745
8056	2754	SUPER5	4277
3853	9004	-	2917

MERDIA



Sorteo # 4886

4097

7500

3289



X2



Sorteo # 4886

1204



X2



Sorteo # 2942

9198



Sorteo # 4886

8431

Acuario



Sorteo # 1760

774



X2



Sorteo # 8772

5194

9037

1005



X3



Sorteo # 7816

1428



X2



Sorteo # 2521

5699



Sorteo # 6575

9759

Tauro



Sorteo # 1505

212



X2



Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

160.000,-



Sorteo # 7092

0 x Jackpot

12 x Match 4

200 x Afl 8,00

03-05-09-11-18

Proximo Jackpot

52.000,-



Sorteo # 1842

0 x Jackpot

0 x match 4

0 x Afl. 500,00

0 x Afl 50,00

0 x Afl.15,00

Mega Ball

Proximo Jackpot

875.000,-



Afl. 1.325.000,-



Sorteo #

Sorteo #





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Sta. Cruz : Centro Medico:
Tel. 585 8028 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Merca ta prepara pa entrega varios puesto di mando halto di NATO



(AFP)—Merca lo entrega dos mando regional halto den NATO den paisnan Europeo, diplomaatnan a bisa dialuna, mientras presidente Donald Trump ta presiona aliadonan pa tuma mas responsabilidad pa nan propio defensa.

Washington lo transferi liderazgo di comando di NATO na Naples, cual ta enfoca riba e parti sur di e alianza, na Italia, y liderazgo di comando di Norfolk na Virginia, cu ta enfoca riba e parti norte di e alianza, na Gran Bretaña, segun dos diplomaat na NATO.

Merca, entretanto, lo tuma control di comando di forsanan maritimo di NATO, cu ta basa na Reino Uni, e diplomaatnan a bisa.

“Aliadonan a yega na un acuerdo riba un distribucion nobo di responsabilidad di oficialnan halto den e estructura di mando di NATO, unda aliadonan Europeo, incluyendo e miembronan mas nobo di NATO, lo hunga un rol mas prominente den liderazgo militar di e alianza,” un oficial di NATO a bisa, sin duna detaye di e cambionan.

“E decision ta relaciona cu planificacion pa rotacionnan den futuro.”

E cambionan, cu a ser reporta prome biaha pa medio Frances La Lettre, lo probablemente tuma lunas pa ser implementa, e diplomaatnan

di NATO a bisa AFP, papiando riba condicion di anonimidad.

“E ta un bon señal di participacion di carga den practica,” un di e diplomaatnan a bisa.

E reorganizacion di posicionnan di mando di NATO ta bin durante momento cu Washington a bisa cu e por reduci su presencia di defensa den Europa pa enfoca riba otro menasanan manera China.

Sinembargo, Merca lo keda central, pasobra e lo keda cu control di e comandonan principal di aire, tera y lama di NATO y lo retene e posicion halto di Comandante Supremo di e Forsa Aliado na Europa.

Paisnan Europeo ya a aumenta significativamente nan presupuesto militar memey di e invasion di Rusia na Ucrania y aña pasa a yega na acuerdo pa aumento e objetivo di gasto di defensa di NATO.

Trump a sacudi confianza den Merca y luna pasa a hinca e alianza den crisis despues di haci reclamonan riba Groenlandia.

Sinembargo, embahador di NATO di Merca, Matthew Whitaker, a insisti separadamente dialuna cu e lider Mericano ta buscando pa fortalece, y no “desmantela”, NATO door di pone Europa asumi mas responsabilidad.

“Nos ta purbando di haci NATO mas fuerte, no pa retira of rechasa NATO, pero pa hacie funciona manera e tabata destina: como un alianza di 32 aliado fuerte y capaz,” Whitaker a bisa.

Pronostico di tempo



Tempo:

Awe tardi y awe nochi: parcialmente nubla y generalmente seco

Den marduga y mañan: parcialmente nubla cu un awasero breve

Temperatura maximo 32 grado celsius

Temperatura minimo 25 grado celsius

Indice di calor (heat index) den y rond di oranan di merdia: 33 pa 37 grado celsius
UV index: 9

Bahada di solo : 6:44 pm

Subida di solo : 7:03 am

Biento:

Moderada for di direccionnan entre oost-noordoost y oost-zuidoost; Forsa 3 te 4 (12 te 30 km/ora, 7 te 16 nudo).

Durante di dia basta fuerte te posiblemente fuerte den rafaga; forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

Humedad disponible den region lo por induci un awasero breve durante e periodo di pronostico

Aki. Mas aleu por bisa cu labaderanan modera for di noord lo haci lama poco bruto na e partinan expone durante proximo dos dia. Lama lo baha gradualmente pa fin di siman.

Condicionnan maritimo/ estado di lama:

Na partinan protegi di costa: Keto cu olanan rond di 1 pia. Na partinan zuid protegi: trankil, 1 te 2 pia.

Na partinan zuid no protegi: modera te poco Bruto cu olanan di 2 te 4 pia, localmente e por yega te 5 pia. Na partinan oost te noordwest di costa: Modera te poco bruto cu olanan alrededor di 4 pa 6 pia, localmente 7 pia.

Aviso/ alerta:

Operadonan di boto chikito mester bay cu cautela na partinan oost te noordwest di costa. Tambe usuarionan di lama y landadonan mester bay cu extrema cautela na partinan ci costa expone (no protegi) na zuid te zuidwest y tambe noordwest.

TA BUSCA

un Welder Fabricante

Contac 563 5002

220097

Aurora

Royal Pray

Funeral Home & Crematory

Mira con Dios a salba mi,
Tur mi confiansa ta den djE,
Mi n' tin miedo:
Señor Dios ta mi forsa, mi
refugio.
E mes t'Esun cu a salba mi.
Isaías 12:2



Cu dolor na nos curason, nos
ta anuncia fayecimento di nos
ser stima:

Carmen Mercedes Irausquin
Cariñosamente yama "Chicher of Dudu"
*24-09-1945 - †06-02-2026

Mayornan:

† Vicente Irausquin y † Francisca Irausquin-Irausquin

Na number di su:

Yiunan:

Roberto Ridderstaat
Carmen Ridderstaat y Randy Ridderstap

Tata di su yiunan: †Rafael Ridderstaat

Nieto y nietanan:

Eugene Trimon y Lilien Ponson
Jeremy Trimon y Marlyn Dubero
Lyon Trimon y Liz Castellano
Junaila Trimon y Anthony Jr. Tjinkonfat

Bisanieta(a)nan:

Lainey-ann Trimon
Jayron Trimon
Ian & Lyanne Trimon
Anthony A-Jay Tjinkonfat

Rumanan:

†Antonio & †Martha Irausquin-Maduro
George & Dora Irausquin-Maduro
Josefita & †Juan Zavala Aldama na Venezuela

Subrino y Subrinanan:

Francisca & Robert Figaroa & yiunan
Jose & Silvia Irausquin & yiunan
Gladys & Victor Wever & yiunan
Alexis Zavala & Karina Balbuena & yiunan na Venezuela
Carmen & Cirilo Gomez & famia na Venezuela
Magaly Zavala na Venezuela
Jose Luis & Yasmira Zavala & famia na Venezuela
Juan Francisco & Noiris Zavala & yiunan na Venezuela
Carlos Alberto & Paula Zavala & famia na Venezuela
Mirtha Zavala
Ingrid & Jairo Martinez & famia na Venezuela

Iha: Marina Maduro

Amiga/ruman: Aura Maduro

Rumanan di Salon di Reino

Ayudante: Marcelene, Yacandy

Primo y primanan


Demas famia: Irausquin, Ridderstaat, Trimon, Ponson, Dubero, Castellano, Tjinkonfat, Figaroa, Zavala, Hidalgo, Almazo, Wever, Oduber, Aldama, Zea, Gomez, Maduro, Balbuena, Macho, Diaz, Martinez, Marin, Loopstok, Dania, Tromp, Leest, Rasmijn, Boezem, Martinus, Pas, Kelly, Martina, Kock, Frias, Dell, Christiaans, Farro, Albertsz, Leonard.

Nos disculpa si nos a lubida algun famia den nos
tristeza.

Ta invita pa acto di entierro cual lo tuma lugar
diamars 10 di februari 2026 di 9or pa 11or di mainta na
Aurora Funeral Home, despues lo sali pa Santana central
Sabana Basora.

Nos ta lamenta cu despues di entierro nos no por ricibi
bishita di condolencia na cas.

Complice di Epstein, Maxwell, ta pidi clemencia di Trump prome cu testimonio



(AFP)—Ghislaine Maxwell, complice di Jeffrey Epstein, a nenga dialuna pa contesta preguntanan di un comision di Congreso, pero a bisa cu e ta dispuesto pa papia si presidente Donald Trump ta concede clemencia.

Maxwell, ken tin 64 aña y cu ta cumpliendo un condena di 20 aña di prison pa trafico sexual, a ser cita pa aparece dilanti e Comision di Supervision di Camara di Representantenan pa discuti su relacion cu Epstein.

Sinembargo, en bes di contesta preguntanan di e comision, e condenado Britanico a invoca su derecho di Quinto Amienda pa no incrimina su mes. "Manera a anticipa, Ghislaine Maxwell a invoca e Quinto y a nenga di contesta pregunta," presidente di e comision, James Comer, a bisa reporteronan. "Esaki ta obviamente hopi decepcionante."

"Nos tabatin hopi pregunta tocante e crimennan cu e y Epstein a cometi, como tambe preguntanan tocante posible co-conspiradornan," el a bisa.

Abogado di Maxwell, David Markus, a bisa cu e ta dispuesto pa papia publicamente si Trump ta concede clemencia. "Si e Comision aki y e publico Mericano realmente kier tende e berdad sin filtro tocante loke a pasa, tin un caminda directo," Markus a bisa den un declaracion. "Sra. Maxwell ta dispuesto pa papia completamente y honestamente si presidente Trump concede clemencia."

Markus tambe a bisa cu Trump y ex-presidente Bill Clinton—ambos cu den pasado tabata amigo cu Epstein—ta "inocente di cualkier mal conducta."

"Solamente Sra. Maxwell por splica pakico, y e publico tin derecho riba e splicacion ey," el a agrega. Maxwell ta e unico persona condena den conexcion cu Epstein, ken a muri den un cel di prison na New York na 2019 mientras cu e tabata wardando huicio pa trafico sexual.

Maxwell a ser condena na 2021 pa provee mucha menor di edad na Epstein, cu tabatin conexcion cu ehecutivonan di



negoshi poderoso, politico, celebridad y academiconan. E tabata cita pa testigua virtualmente for di e prison na Texas unda e ta cumpliendo su condena.

Su declaracion a bin memey di e publicacion reciente di miyones documento, potret y video relaciona cu e investigacion riba Epstein.

E Departamento di Husticia a bisa cu e no ta anticipa di haci acusacionnan nobo, pero varios lider politico y empresarial a ser mancha pa e scandal of a renuncia despues cu nan vinculonnan cu Epstein a ser revela den e archivonan.

'Sin arepentimento'

Legislador Democratico Suhas Subramanyam, ken a asisti e declaracion porta cera di Maxwell, a bisa cu e tabata "sin arepentimento."


"E tabata hopi mecanico, y e no a muestra ningun remordimento pa invoca e Quinto awe," Subramanyam a bisa. "Tur esaki ta strategia pa purba haya un pordon for di presidente Trump."

E Comision di Supervision di Camara di Representantenan tambe a cita Clinton y su esposa, ex-secretaria di Estado Hillary Clinton, pa testigua tocante nan interaccionnan cu Epstein. E pareha Clinton a pidi pa nan declaracionnan tuma luga publicamente pa preveni Republicanonan politisa nan testimonio.

Trump den pasado tabata un amigo cerca di Epstein, pero e Comision di Supervision no a cita e pa testigua. E comision ta ser lidera pa miembronan di su propio Partido Republicano.

Trump a bringa pa lunas pa evita publicacion di e gran cantidad di documento tocante Epstein, pero un rebelion den e Partido Republicano a fors'e firma un ley cu ta exige publicacion di henter e registro.

E paso extraordinario aki a refleha presion politico intenso pa enfrenta loke hopi Mericanonan, incluyendo sostenedornan di Trump mes, a sospecha pa hopi tempo caba di ta un tapamento pa protege hende rico y poderoso den e circulo di Epstein.



STICHTING VOOR VOLKSHYGIENE VAN
Het Wit Gele Kruis Aruba
Sinds 1959 ten dienste van de Arubaanse gemeenschap
Postbus 488, Oranjestad



Cu inmenso tristeza na nos curazon, directiva, staff y personal ta
participa fayecimento di:

Sr. Julian Keith Hassell

Esposo di nos colega sra. Lucia Hassell-Reina "Martha"

Nos ta extende nos mas profundo condolencia na demas famianan
y hopi forza den e momentonan dificil aki.

Cu Julian drumi dushi den brasa di Señor.

Hong Kong ta sentencia magnate pro-democracia Jimmy Lai na 20 aña di prison

(AFP)—Un corte di Hong Kong a sentencia magnate di medio pro-democracia Jimmy Lai na 20 aña di prison dialuna pa crimenan di seguridad nacional, un castigo cu gruponan di derecho humano a condena como “efectivamente un sentencia di morto” y como un simbolo di e libertad di prensa cu ta sigui asota e ciudad.

Lai, un ciudadano Britanico y fundador di e corant Apple Daily cu no ta publicando mas, a ser haya culpable na december di colabora cu paisnan externo door di urgi nan pa impone sancionnan contra Hong Kong y pa publica articulonnan “sedicioso” den su medio.

E homber di 78 aña a ricibi e sentencia mas fuerte te avor bao di ley di seguridad nacional di Hong Kong, cual Beijing a impone na 2020 despues di un protesta masivo pro-democracia den e ex-colonia Britanico.

E tres hues di e Corte Halto a bisa den un resumen cu nan a dicidi riba 20 aña di encarcelacion “despues di considera e conducta criminal serio y grave di Lai”.

Lai, ken ta deteni desde 2020, a keda sinta sin reaccion den e banki di acusadonan mientras nan a lesa e sentencia. El a saluda famia y sostenedornan den e galeria publico ora nan a sak’e for di e sala.

Su esposa Teresa a sali di corte cu cara serio y sin haci comentario, pero dos di su yiu cu ta bibando den exterior a condena e sentencia.

Yiu homber di Lai, Sebastien, a haci yamado na presidente Mericano Donald Trump pa presenta e caso na su equivalente Chines, Xi Jinping.

“Si presidente intercedi den e caso di mi tata e lo muestra Xi Jinping con gran eror e persecucion di mi tata ta,” el a bisa AFP na Londres, unda e ta biba.

Yiu muher di Lai, Claire, a yama esaki “un sentencia cruel cu ta kibra mi curason”, debi na su salud cu ta debilitando, efectivamente nificando cu “e lo muri como un martir tras di trali”.

Lai tin 28 dia pa presenta un apelacion, pero su abogado a nenga di bisa si e lo haci esey.

Merca a critica e decision como “inhusto y tragico”, y a ripiti su yamado pa duna Lai libertad humanitario. E sentencia “ta muestra mundo cu Beijing ta bay te na e extremo pa silencia esnan cu ta defende libertadnan fundamental,” secretario di Estado di Merca, Marco Rubio, a bisa den un declaracion.

‘Un situacion espantoso’

Lider di Hong Kong, John Lee, a elogia e sentencia di prison “severo”, bisando cu



esaki “ta duna gran alivio na tur hende” y cu e ta demostra con e ciudad ta defende estado di ley.

Beijing tambe a elogia e resultado como “rasonable, legitimo y legal”.

Comisionado di e ministerio di Asuntonan Exterior di China na Hong Kong a skirbi na medianan internacional, incluyendo AFP, dialuna y a urgi nan pa “reporta riba e caso cu obhetividad y husticia, sin politisa e asunto legal”.

Reaccion di Washington a agrega na un coro di condena internacional, incluyendo for di Union Europeo, Australia, Hapon y gruponan di abogacia. “E veredicto aki

mester ser anula inmediatamente pasobra e no ta compatible cu ley internacional,” Alto Comisionado di UN pa Derecho Humano, Volker Turk, a bisa den un declaracion cu a describi e ley di seguridad nacional como “vago y excesivamente amplio”.

Human Rights Watch a bisa cu e castigo ta “efectivamente un sentencia di morto” considerando e edad di Lai.

Jodie Ginsberg, CEO di Committee to Protect Journalists, a bisa cu e “decision escandaloso di awe ta e ultimo violacion di libertad di prensa na Hong Kong”.

Hong Kong recientemente a keda na di 140 lugat mundialmente den libertad di prensa, bao di lugar 70 dies aña pasa, segun Reporters Without Borders.

Problemanan di salud

E tres hues di e Corte Halto a describi Lai, ken pa hopi tempo tabata un problema pa Beijing, como e “mente maestro y forsa” tras di e conspiracionnan.

Dos aña di e sentencia di 20 aña ta sobreponer cu un sentencia existente, loke ta significa cu e lo efectivamente cumpli 18 aña mas den prison. Lai lo tin 96 aña ora e sentencia termina.

Ocho otro acusado, incluyendo seis ehecutivo di Apple Daily, a ricibi un sentencia te cu 10 aña di prison. Tur excepto Lai a declara nan mes culpable.

Segun fiscal, Lai ta manteni den confinamento solitario riba su propio peticion pa evita acoso.

Sostenedornan di Lai, su famia, abogado y gruponan di derecho humano tur a expresa preocupacion riba su salud cu ta deteriorando den prison, aunke autoridadnan ta mantene cu e ta ricibiendo cuidu “adecua”.

Eric Lai, un fellow senior cu Georgetown Center for Asian Law, a bisa cu e sistema legal di Hong Kong a bira un instrumento di control politico.

“Despues di e esfuerso sosteni di e regimen pa pinta Lai como un ‘enemigo di estado’, un cambio den apelacion lo contradeci añas di teatro politico,” Lai a bisa, ken no tin relacion familiar cu e magnate.

Ex-reportero di Apple Daily, Tammy Cheung, a bisa AFP pafo di corte cu e ta preocupa cu e “nunca lo mira Lai den persona atrobe”.

“Hasta prome cu e sentencia di awe, e industria ya tabata auto-censurando constantemente. Awor, despues di e sentencia aki, e impacto riba e industria ta bastante cla pa tur hende,” el a bisa.

Pensionado Lai So a bisa cu tin “menos reportahe riba e banda negativo di sociedad” desde cu Apple Daily, cual tabata hopi popular, a cera na 2021. “E espacio pa libertad di expresion a reduci hopi,” So a bisa.



Polis di Amsterdam a registra 1.005 caso di ofensa sexual na 2025

Mientras cu violencia entre hobennan ta redobla

(NLTimes) - Polis di Amsterdam a informa un aumento significativo den ofensanan sexual y envolvimento di hobennan den crimen violento na 2025, mientras cu otro crimenan serio, incluyendo asesinato y atraco, a baha. Oficialnan a agrega cu victima y sospechosonan mas hoben ta ser afecta mas y mas.

Aña pasa, ofensanan sexual na Amsterdam a subi te na 1.005, un aumento di 30% for di 2024, compara cu un aumento nacional di 13%. Autoridadnan a bisa cu e aumento ta parcialmente debi na e Ley nobo di Ofensanan Sexual, cu a criminalisa actonan indesea adicional, y parcialmente pasobra atencion mas grandi di medionan di comunicacion a yuda victimanan reconoce incidentenan cu nan a pasa aden como crimen. E campananan "Wij eisen de nacht op" y cobertura despues di morto di Lisa di 17 aña na augustus 2025 a ser cita. Polis a bisa, "Victimanan awor ta reconoce mas



lihe cu loke a pasa cu nan ta un crimen."

Asesinato y asesinato imboluntario na Amsterdam a cay di 20 pa 10 caso. E victimanan tabata inclui siete homber y tres muhe, di cual dos tabata menor di edad.

Candela y bombardeonan tambe a cay, di 524 incidente na 2024 pa 414 na 2025,

aunke explosionnan ta keda frecuente. Alcalde Femke Halsema a describi e cambio como un "aplanacion" en bes di un berdadero bahada.

Oficialnan tambe a subraya e envolvimento di hobennan den crimen violento. Fiscal di Ministerio Publico René de Beukelaer a yama e situacion un "balansa tristo," citando e morto di dos mucha homber

Sirio, di 16 y 18 aña, cu a ser tira riba Dia di Aña Nobo. Un sospechoso di 25 aña ta den detencion. De Beukelaer tambe a referi na e asesinato di Rivaldo di 17 aña na Amsterdam Zuidooost na augustus.

Comisario di Polis Peter Holla a bisa cu atakenan cu cuchiu a subi 10% pa 124 incidente. El a agrega, "Loke ta preocupa nos ta cu e cantidad di victima

y sospechoso den e grupo di edad di 12 pa 17 a redobla compara cu e aña anterior. Esaki ta enfatisa con vulnerable hobennan ta pa violencia cu por escala lihe." Mayoria di e incidentenan a sucede durante anochi y marduga.

Holla a bisa cu aburimento, presionnan financiero, influencia di rednan social, y cercania na crimen organisa ta contribui na envolvimento di hobennan. "Nan no tin niun idea na kico nan ta bisando si pa algun shen euro," el a bisa di hobennan recluta a traves di Snapchat. Halsema a bisa cu hopi hoben ta enfrenta pobreza, scarsedad di vivienda y un falta di aceptacion.

"Esey no ta disculpa nan comportacion, pero e ta splica dicon hobennan homber ta sali riba caya, ta burachi y ta bira susceptible na crimen organisa," el a bisa. De Beukelaer a agrega, "Nos mester duna yudansa of impone castigo?" tumando nota cu e ofensornan hopi biha ta victima nan mes.

Tres empleado di compania di minamento haya morto na Mexico

(AFP)—Tres di e dies empleado di un compania minero Canades cu a ser secuestra dos siman pasa den e estado violento di Sinaloa na Mexico a ser haya morto, segun e Camara di Minería di Mexico a bisa dialuna.

E trahadornan, tur Mexicano segun medionan local, a ser secuestra riba 23 di januari for di un proyecto di minamento di plata cu ta pertenece na compania Vizsla Silver cu sede na Vancouver, localisa den sur di Sinaloa.

E Camara di Minería, un grupo comercial cu ta representa sindicato y companianan di minamento, a bisa cu tres di e hombernan a ser "haya morto y identifica" pa autoridadnan y compañeronan di trabao.

Vizsla Silver a emiti anteriormente un declaracion bisando cu el "a ser informa pa varios famia cu nan pariente...a ser haya morto". E compania a agrega cu e ta wardando confirmacion oficial for di autoridadnan Mexicano.

Presidente di Vizsla, Michael Konnert, a bisa cu e compania

ta "devasta pa e resultado aki y pa e perdida tragico di bida".

"Nos enfoke ta keda riba e recuperacion seguro di esnan cu a keda desaparecido," el a agrega.

Violencia di cartel

Secuestro pa gruponan arma ta demasiado comun na Mexico, unda mas cu 120.000 hende a disparce desde añanan 1950, hopi di nan secuestra y mata pa cartelnan di droga.

Sinembargo, no ta comun pa companianan internacional ta blanco.

Segun famianan di e trahadornan, hombernan arma a kita e hombernan cu forsa for di un campamento situa na e sede di proyecto di Vizsla den e pueblo chikito Panuco, den e distrito di Concordia.

Dos di e hombernan tabata ingeniero y un tabata geologo, segun medionan local.

Concordia ta situa riba e deposito di plata, oro, plomb y zinc, loke ta hacie un blanco atractivo pa gangnan di crimen organisa, cu ta gana placa

via secuestro y extorsion di trahadornan.

Siman pasa, autoridadnan Mexicano a intensifica su buskeda pa e hombernan, desplegando mas di 1.000 oficial, tres helicoptero y dos avion.

Riba diabierna, autoridadnan a bisa cu nan a descubri e curpa di un persona cu tabata parece un di e trahadornan, pero cu ainda nan no a confirma su identidad.

Cuatro hende a ser deteni den conexion cu e caso.

Sinaloa ta pasando den un aumento fuerte di violencia causa pa un lucha pa poder interno di e poderoso cartel di Sinaloa.

E conflicto interno aki a laga mas di 1.700 hende morto y casi 2.000 desaparecido den menos cu un aña.



Iran ta aumenta aresto mientras ta keda positivo tocante negociacion cu Merca

(AFP) - Iran a aumenta su accion dialuna despues di protesta recien, haciendo mas aresto mientras ta wanta porta habri pa Washington pa continua negociacion nuclear.

E arestonan - incluyendo di Javad Emam, vocero di e coalicion reformista principal - a yega despues cu oficialnan Irani y Mericano a tene combersacion na Oman cual ambos banda a pinta como positivo.

Diasabra, Iran a impone mas tempo den prison pa ganador di Premio Nobel di Paz, Narges Mohammadi y dialuna a aresta Hossein Karoubi, yiu di disidente prominente, Mehdi Karoubi.

Simannan despues di repirmir un ola di protesta, un di e retonan mas grandi na gobierno desde cu el a yega na poder den Revolucion Islamico di 1979, Tehran a tuma un maneho di dos banda. E ta deteniendo y cerando esnan percibi como critico, mientras na mes momento ta busca un potencial apertura diplomatico cu administracion di presidente Mericano, Donald Trump.

Un vocero pa e coalicion Frente Reformista a bisa medianon local dialuna cu Guardia Revolucionario di Iran a aresta vocero di e grupo, Emam. Emam tabata un di al menos cinco figura di Frente Reformista cu a keda deteni, igual cu varios activista y director di pelicula cu a co-firma un declaracion di protesta.

Gobierno di Iran a yama e protestanan "disturbio" impulsado pa su archi-enemigonan Israel y Merca.

'Frustra e enemigo'

Dialuna, lider supremo Ayatollah Ali Khamenei a haci un yamado na e nacion pa muestra "resolucion" contra presion stranhero. "Poder nacional ta bay menos tocante misil y avion y mas tocante e boluntad y resolucion di e pueblo," Khamenei a bisa, agregando "mustr'e atrobe y frustra e enemigo."

Hunto cu su pronunciamentonan desafiante, Iran a señalala cu lo por yega na un sorto di acuerdo pa reduci su programa nuclear pa evita mas conflicto cu Washington. Agencia noticiero oficial, IRNA a reporta cu hefe di

agencia atomico Irani, Mohammad Eslami a bisa cu Tehran por dilui su uranium altamente enrikeci a cambio di alivio di sancion.

"Como respuesta na un pregunta tocante e posibilidad di dilui uranium enrikeci na 60 porciento," IRNA a reporta, Eslami "a bisa cu esaki ta depende si tur sancion lo keda elimina a cambio."

E reportahe no a especifica si un acuerdo asina lo inclui solamente sancion nuclear imponi riba Iran pa Merca, of tur presion economico internacional contra e republica Islamico.

Dilui of "downblend" uranium ta nifica mescla esaki cu otro substancia pa reduci e nivel di enrikecimiento, pa asina e producto final no supera un limite - pues extendiendo e cantidad di tempo cu lo tuma Iran pa crea suficiente material nuclear pa un bom.

Tehran ta insisti adamantemente cu nunca tabatin plan pa construi un arma y nuclear, y cu enrikecimiento pa investigacion y energia civil ta un derecho soberano, pero Merca, Israel y mayoria di capital Occidental no ta kere



esaki.

Accion ta continua

Mientras cu Trump inicialmente a menasa cu interveni tocante e represion di Iran di protestanan luna pasa, desde cu e negociacion a cuminsa, Merca no a duna ningun señal cu e accion contra criticonan domestico di Tehran ta un preocupacion principal.

Diasabra, ganador di Premio Nobel di Paz, e Irani, Narges Mohammadi a keda sentencia cu seis aña di prison pa cargo di dña seguridad nacional. E tambe a ricibi un sentencia di un aña y mey den prison pa "propaganda" contra sistema Islamico di Iran, su fundacion a bisa den un declaracion.

Ya den prison pa mayor parti di ultimo decada como resultado di su campaña contra castigo di morto y e codigo di bistimento obligatorio pa

hende muhe, awo e ta enfrenta 17 aña mas cera y 154 golpi cu latigo.

Aresto di vocero di Frente Reformista, Emam a yega despues di arestonan dia-domingo di otro tres figura, incluyendo Azar Mansouri, kende a lidera e coalicion desde 2023. Otro legislador reformista a keda aresta dialuna. E campo reformista en gran parti a sostene presidente incumbente Masoud Pezeshkian den eleccion presidencial di 2024.

Autoridadnan na Iran a reconoce cu 3.117 persona a ser mata durante e protestanan, publicando un lista di 2.986 number, mayoria di ken nan ta bisa tabata miembronan di forsan di seguridad y publico inocente.

Organisacionnan Internacional ta pone e total hopi mas halto.

Savannah Guthrie ta haci suplica den video nobo pa su mama desaparecido, mientras deadline pa e rescate ta acerca

(AP) — Famia di Savannah Guthrie ta "na un ora di desesperacion" den buskeda pa su mama desaparecido, e presentador di show "Today" a bisa den un video publica ayera, apenas algun ora prome cu e supuesto deadline pa rescate aparentemente imponi pa secuestradornan di Nancy Guthrie.

Savannah Guthrie no a menciona e deadline den e video, bisando cu su famia na Arizona ta sigui kere cu nan mama di 84 aña di edad ta eyfo y scuchando e oracion di tur hende.

"Nan a hib'e y nos no sa na unda, y nos mester di boso ayudo," Guthrie a bisa den e video riba Instagram, cu a urgi hende na henter e nacion pa keda pendiente. "Sin importa unda bo ta, hasta si bo ta leu di Tucson, si bo wak algo, si bo mira algo."



E desaparicion misterioso y buskeda a sacudi e pais - for di presidente Donald Trump, kende a papia cu Savannah Guthrie siman pasa, te e investigadornan online cu a inunda rednan social cu tip, teoria y rumor.

FBI awo ta pidiendo ayudo di publico riba billboard digital na varios ciudad principal den sur occidente for di Texas te California. FBI a ofrece un recompensa di \$50mil pa informacion.

Varios noticiero a ricibi su-

puesto cartanan di rescate durante ultimo siman. Al menos un carta a haci exigencia monetario y a pone un deadline pa ricibi e placa. E prome deadline a pasa diahuebs ultimo, pero otro tabata poni pa dialuna nochi.

Oficialnan di ley a nenga di afirma cu e cartanan tabata creible pero a bisa cu tur tip tabata ser investiga seriamente.

Autoridadnan a bisa cu nan tin preocupacion creciente tocante salud di Nancy Guthrie pasobra e tin mester di remedi tur dia. Ta bisa cu e tin un pacemaker y a sufri di presion halto y problema di curason, segun audio di central di polis riba broadcastify.com.

Savannah Guthrie a expresa speransa ayera cu su mama ainda ta na vida.

"Nos ta kere cu di algun manera, e ta sinti e ora-

cionnan aki," el a bisa, "y cu Dios ta elevando e hasta na e momento aki y den e lugar asina scur aki."

Den un video diasabra, el a bisa cu e famia tabata prepara pa regreso di su mama. "Esaki ta e unico manera cu nos ta bay tin paz. Esaki ta hopi valioso pa nos, y nos ta bay paga."

Autoridadnan ta kere cu Nancy Guthrie a keda secuestra contra su boluntad for di su cas pafo di Tucson. El a ser mira ultimo biaha eynan dia 31 di januari y a keda reporta como desaparecido e siguiente dia despues cu e no a bay misa.

Test di DNA a muestra sanger riba porch di Guthrie tabata di dje, y e camara na su porta tabata desconecta oranan trepan di diadomingo mainta, segun sheriff di Pima County, Chris Nanos.